



МОЛИТЕБНОЕ





# ПРАВОСЛАВНЫЙ МОЛИТВОСЛОВ

с канонами и акафистами

с приложением

ПРАВИЛА КО СВ. ПРИЧАЩЕНИЮ



ИЗДАТЕЛЬСКИЙ  
ОТДЕЛ

ВЛАДИМИРСКОЙ  
ЕПАРХИИ

**По благословлению  
Преосвященного Евлогия  
Епископа Владимирского и Суздальского**

---

**СОДЕРЖАНИЕ**

Понятие о молитве . . . . .	3
Молитвы утренние . . . . .	5
Часы пасхальные . . . . .	15
Молитвы в продолжении дня . . . . .	16
Молитвы на сон грядущим . . . . .	18
Три канона с акафистом . . . . .	28
Акафист Иисусу Сладчайшему . . . . .	36
Акафист Пресвятой Богородице . . . . .	49
Памятка ко Святому Причащению . . . . .	56
Последование ко Святому Причащению . . . . .	57
Благодарственные молитвы по Святом Причащении . . . . .	72
Помянник . . . . .	76
Молитвы разные . . . . .	80
Тропари, кондаки и величания . . . . .	87
Шестопсалмие . . . . .	96
Словарь малопонятных слов . . . . .	100



## ПОНЯТИЕ О МОЛИТВЕ

Молитва есть наша беседа с Богом и занятие равноангельское. Как св. ангелы непрестанно славят Господа, так и мы, грешные, должны денно и ночью зывать ко Господу из глубины сердечной, изливать пред Ним моления наши в скорбях и радостях и всех событиях земного нашего существования, прибегать к Нему, Спасителю нашему, у Него искать помощи и утешения, ибо Он один истинный Утешитель души; без Него ни в ком и ни в чем не найдем ни отрады, ни прибежища, ни спасения.

В жизни человека нет ничего драгоценнее молитвы, она и невозможное делает возможным, трудное легким, неудобное удобным: молитва столь же необходима для человеческой души, сколько воздух для дыхания или вода для растения. Кто не молится, тот лишается общения с Богом и уподобляется сухому бесплодному дереву, которое посажается и во огонь вметается (Мф. 7, 19). Кто не молится, тот не получает благословения Божия на дела свои, по реченному: еще не Господь созиждет дом всеу трудишася зиждущий (Псал. 126, 1). Несчастье для слепца не видеть света, но гораздо большее несчастье для христианина потерять расположение к молитве, лишить душу свою божественного света: в такой душе водворяется тьма, а по исходе из тела уделом ее будет тьма вечная.

Всякий православный христианин должен молиться: 1) утром, вставши от сна, благодаря Бога за сохранение в ночи и прося благословения на предстоящий день и труд; 2) днем — пред началом каждого доброго дела и по окончании его, а также пред вкушением пищи и после нея; 3) вечером — отходя ко сну, благодаря Бога за прожитый день и прося сохранить в ночи.

Кроме утренних и вечерних молитв здесь помещены умиленные каноны и акафисты Спасителю, Божией Матери и канон Ангелу Хранителю. Ревнующие о молитве могут ежедневно прочитывать сии молитвенные возношения, особенно те, которые готовятся к исповеди и св. Причащению



Св. Христовых Таин. Полное молитвенное правило ко св. Причащению здесь же напечатано.

Всякий ревнующий о спасении души должен прилежать и чтению псалтири. О великом значении псалтири и спасительности чтения ея Учители Церкви говорят так. Св. Василий Великий: «Никия (никакия) иныя книги тако Бога славят, якоже псалтирь душеполезна есть». Св. Иоанн Златоуст: «Уне (лучше) есть солнцу престати от течения своего, нежели оставити псалтирь: вельми бо есть полезно, еже поучатися псалмом, и прочитывати прилежно псалтирь». Св. Августин: «Пение псалмов душу украшает, ангелы на помощь призывает, демоны прогоняет, заглаживает грехи».

В дни воскресные и праздничные, и в день памяти Святого Угодника, имя которого ты носишь, православный христианин, непременно быть в храме при совершении вечерняго богослужения и Литургии (обедни). Всякий христианин, пропустивший по небрежению и нерадению своему три подряд воскресных службы, по правилам Шестаго Вселенскаго Собора, подлежит строгой эпитимии.

## МОЛИТВА О ДАРОВАНИИ МОЛИТВЫ

Многомилостиве Господи! сподоби нас божественнаго дарования святой молитвы, изливающейся из глубины сердечной; собери расточенный наш ум, дабы всегда стремился он к Тебе, Создателю и Спасителю своему; сокруши разженные стрелы лукаваго, отревающая нас от Тебя; угаси пламень помыслов, сильнее огня пожирающий нас во время молитвы; осени нас благодатию Пресвятаго Твоего Духа, дабы до скончания нашей грешной жизни, Тебя Единого любить всем сердцем, всею душою и мыслию и всею крепостию, а ближних как самих себя, и в час разлучения души нашей от бrenнаго сего тела, о, Иисусе Сладчайший, прими в руце Твои дух наш, егда приидеши во Царствии Твоем. Аминь.





## МОЛИТВЫ УТРЕННИЕ

*Востав от сна, прежде всякого другого дела, стань благоговейно, представляя себя пред Всевидящим Богом, и, совершая крестное знамение, произнеси:*

Во имя Отца, и Сына, и Святаго Духа. Аминь.

*Затем немного подожди, пока все чувства твои не придут в тишину и мысли твои не оставят все земное, и тогда произноси следующие молитвы, без поспешности и со вниманием сердечным:*

### Молитва мытаря

*(Евангелие от Луки, глава 18, стих 13)*

Боже, милостив буди мне грешному.

### Молитва предначинательная

Господи Иисусе Христе, Сыне Божий, молитв ради Пречистой Твоей Матере и всех святых, помилуй нас. Аминь.

Слава Тебе, Боже наш, слава Тебе.

### Молитва Святому Духу

Царю Небесный, Утешителю, Душе истины, Иже везде сый и вся исполняй, Сокровище благих и жизни Подате-

лю, прииди и вселися в ны, и очисти ны от всякия скверны, и спаси, Блаже, души наша\*.

### Трисвятое

Святый Боже, Святый Крепкий, Святый Безсмертный, помилуй нас. (*Читается трижды, с крестным знаменiem и поясным поклоном*).

Слава Отцу, и Сыну, и Святому Духу, и ныне и присно и во веки веков. Аминь.

### Молитва ко Пресвятой Троице

Пресвятая Троице, помилуй нас; Господи, очисти грехи наша; Владыко, прости беззакония наша; Святый, посети и исцели немощи наша, имене Твоего ради.

Господи, помилуй. (*Трижды*). Слава, и ныне\*\*.

### Молитва Господня

Отче наш, Иже еси на небесех! Да святится имя Твое, да приидет Царствие Твое, да будет воля Твоя, яко на небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

**Примечание.** Напечатанное курсивом (названия молитв и пояснения) не читается во время молитвы.

\* От Пасхи до Вознесения вместо этой молитвы читается тропарь: Христос воскрес из мертвых, смертию смерть поправ, и сущим во гробех живот даровав. (*Трижды*).

От Вознесения до Троицы начинаем молитвы со «Святый Боже...», опуская все предшествующие.

Это замечание относится и к молитвам на сон грядущим.

\*\* Когда написано «Слава», и «И ныне», надо читать полностью: «Слава Отцу, и Сыну, и Святому Духу», «И ныне, и присно, и во веки веков. Аминь».



## Тропари Троичные

Воставше от сна, припадаем Ти, Блаже, и ангельскую песнь вопиём Ти, Сильне: Свят, Свят, Свят еси, Боже, Богородицею помилуй нас.

Слава: От одра и сна воздвигл мя еси, Господи, ум мой просвети и сердце, и устне мои отвори, во еже пети Тя, Святая Троице: Свят, Свят, Свят еси, Боже, Богородицею помилуй нас.

И ныне: Внезапно Судия приидет, и коегождо деяния сбнажатся, но страхом зовём\* в полунощи: Свят, Свят, Свят еси, Боже, Богородицею помилуй нас.

Господи, помилуй. (12 раз).

## Молитва ко Пресвятой Троице

От сна востав, благодарю Тя, Святая Троице, яко многие ради Твоей благодати и долготерпения не прогневался еси на мя, лениваго и грешнаго, ниже погубил мя еси со беззаконными моими; но человеколюбствовал еси обычно и в нечаянии лежащаго воздвигл мя еси, во еже утреневати и славословити державу Твою. И ныне просвети мои очи мысленныя, отверзи моя уста поучатися словесем Твоим, и разумети заповеди Твоя, и творити волю Твою, и пети Тя во исповедании сердечнем, и воспевати всесвятое имя Твое, Отца и Сына и Святаго Духа, ныне и присно и во веки веков. Аминь.

Приидите, поклонимся Царёви нашему Богу.

(Поклон).

Приидите, поклонимся и припадём Христу, Цареву нашему Богу.

(Поклон).

---

\* В церковнославянском языке нет звука ё, а поэтому надо читать «зовём», а не «зовѣм», «твое», а не «твоѣ», «мое», а не «моѣ», и т. д. Малопонятные слова объяснены в конце молитвослова.



Приидите, поклонимся и припадем Самому Христу, Царсви и Богу нашему.

(Поклон)

**Псалом 50, покаянный**

Помилуй мя, Боже, по велицей милости Твоей, и по множеству щедрот Твоих очисти беззаконие мое. Наипаче омой мя от беззакония моего, и от греха моего очисти мя, яко беззаконие мое аз знаю, и грех мой предо мною есть вѣну. Тебе единому согрѣших и лукавое пред Тобою сотворих; яко да оправдишися во словесѣх Твоих, и победиши внегда судити Ти. Се бо, в беззаконіих зачатъ есмь, и во гресех роди мя мати моя. Се бо, истину возлюбил еси; безвѣстная и тайная премудрости Твоея явил ми еси. Окропиши мя иссопом, и очѣшуся; омыеши мя, и паче снега убелюся. Слуху моему даси радость и веселіе; возрадуются кости смиренныя. Отврати лице Твое от грех моих и вся беззаконія моя очисти. Сердце чисто созижди во мнѣ, Боже, и дух прав обнови во утробѣ моей. Не отвержи мене от лица Твоего и Духа Твоего Святаго не отыми от мене. Воздаждь ми радость спасенія Твоего и Духом Владычним утверди мя. Научу беззаконныя путем Твоим, и нечистѣйшии къ Тебѣ обратятся. Избави мя от кровей, Боже, Боже спасенія моего; возрадуется язык мой правде Твоей. Господи, устне мои отвѣрзеши, и уста моя возвестят хвалу Твою. Яко аще бы восхотѣл еси жертвы, дал бых убо: всесожженія не благоволиши. Жертва Богу дух сокрушенъ; сердце сокрушенно и смиренно Бог не уничижит. Ублажи, Господи, благоволеніем Твоим Сиона, и да созиждутся стѣны Иерусалимскія. Тогда благоволиши жертву правды, возношеніе и всесожегаемая; тогда возложатъ на олтарь Твой тельцы.

**Символ веры**

Верую во единого Бога Отца, Вседержителя, Творца небу и земли, вѣдимым же всем и невѣдимым. И во единого Господа Иисуса Христа, Сына Божія, Единороднаго, Иже от Отца рожденнаго прежде всех вѣк; Света от Света, Бога истинна от Бога истинна, рожденна, несотворенна, едино-



сущна Отцу, Имже вся быша. Нас ради человек и нашего ради спасения шедшаго с небес и воплотившагося от Духа Свята и Марии Девы, и вочеловечшася. Распятаго же за ны при Понтійстем Пилате, и страдавша, и погребенна. И воскресшаго в третий день по Писанию. И возшедшаго на небеса, и седяща одесную Отца. И паки грядущаго со славою судити живым и мертвым, Егоже Царствию не будет конца. И в Духа Святаго, Господа, Животворящаго, Иже от Отца исходящаго, Иже со Отцем и Сыном спокланяема и сславима, глаголавшаго пророки. Во едину Святую, Соборную и Апостольскую Церковь. Исповедую едино крещение во оставление грехов. Чаю воскресения мертвых, и жизни будущаго века. Аминь.

#### Молитва 1-я, святого Макария Великого

Боже, очисти мя грешнаго, яко николиже сотворих благое пред Тобою; но избави мя от лукаваго, и да будет во мне воля Твоя, да неосужденно отверзу уста моя недостойная и восхваляю имя Твое святое, Отца и Сына и Святаго Духа, ныне и присно и во веки веков. Аминь.

#### Молитва 2-я, того же святого

От сна встав, полунощную песнь приношу Ти, Спасе, и припадая вопию Ти: не даждь ми уснути во греховней смерти, но ушэдри мя, распныйся волею, и лежащаго мя в лени ускорив возстави, и спаси мя в предстоянии и молитве, и по сне ношнем возсияй ми день безгрешен, Христе Боже, и спаси мя.

#### Молитва 3-я, того же святого

К Тебе, Владыко Человеколюбче, от сна встав прибегаю, и на дела Твоя подвизаюся милосердием Твоим, и молюся Тебе: помози ми на всякое время, во всякой вещи, и избави мя от всякия мирския злыя вещи и диавольскаго поспешения, и спаси мя, и введи в Царство Твое вечное. Ты бо еси мой Сотворитель и всякому благу Промысленник и Податель, о Тебе же все упование мое, и Тебе славу возсылаю, ныне и присно и во веки веков. Аминь.

**Молитва 4-я, того же святого**

Господи, Иже многою Твоею благастью и великими щедротами Твоими дал еси мне, рабу Твоему, мимошедшее время нощи сей без напасти прейти от всякаго зла противна; Ты Сам, Владыко, всяческих Творче, сподоби мя истинным Твоим светом и просвещённым сердцем творити волю Твою, ныне и присно и во веки веков. Аминь.

**Молитва 5-я, св. Василия Великого**

Господи Вседержителю, Боже сил и всякия плоти, и вышних живый и на смиренныя призираый, сердца же и утробы испытуй и сокровённая человеков яве предвѣдый, Безначальный и Присносущный Свете, у Него же несть пременение, или преложения осенение; Сам, Безсмертный Царю, прими моления наша, яже в настоящее время, на множество Твоих щедрот дерзающе, от скверных к Тебе устен творим, и остави нам прегрешения наша, яже делом, и словом, и мыслию, ведением, или неведением согрешённая нами; и очисти ны от всякия скверны плоти и духа. И даруй нам бодренным сердцем и трезвенною мыслию всю настоящаго жития ночь прейти, ожидающим пришествия светлаго и явленнаго дне Единороднаго Твоего Сына, Господа и Бога и Спаса нашего Иисуса Христа, в оныже со славою Судий всех приидет, комуждо отдати по делу его; да не падше и обленившися, но бодрствующе и воздвижени в делание обрящемся готови, в радость и Божественный чертог славы Его совидем, идеже празднующих глас непрестанный, и неизречённая сладость зрящих Твоего лица доброту неизреченную. Ты бо еси истинный Свет, просвещаый и освящай всяческая, и Тя поет вся тварь во веки веков. Аминь.

**Молитва 6-я, того же святого**

Тя благословим, вышний Боже и Господи милости, творящаго присно с нами великая же и неизследованная, славная же и ужасная, ихже несть числа, подавшаго нам сон во упокоение немощи нашей, и ослабление трудов многотрудных плоти. Благодарим Тя, яко не погубил еси нас со беззаконными нашими, но человеколюбствовал еси обычно, и в нечаянии лежащия ны воздвигл еси, во еже славословити державу



Твою. Темже молим безмерную Твою благодать, просвети наша мысли, очеса, и ум наш от тяжкаго сна лености возстави: отверзи наша уста, и исполни я Твоего хваления, яко да возможем непоколеблемо пети же и исповѣдаться Тебе, во всех, и от всех славимому Богу, Безначальному Отцу, со Единородным Твоим Сыном, и Всесвятѣм и Благим и Животворящим Твоим Духом, ныне и присно, и во веки веков. Аминь.

#### Молитва 7-я, ко Пресвятой Богородице

Воспеваю благодать Твою, Владычице, молю Тя, ум мой облагодати. Ступати право мя настави, путѣм Христовых заповедей. Бдѣти к песни укрепи, уныния сон отгоняючи. Связана пленіцами грехопадѣній, мольбами Твоими разреши, Богоневѣсто. В ноші мя и во дни сохраняй, борющихся враг избавляючи мя. Жизнодателя Бога рождающая, умерщвлена мя страстьми оживи. Яже Свет невечерний, рождающая, душу мою ослепшую просвети. О, дивная Владычня палата, дом Духа Божественна мене сотвори. Врача рождающая, уврачуи души моея многолѣтныя страсти. Волнующаяся житійскою бурей, ко стези мя покаяния направи. Избави мя огня вѣчнуюжскаго, и червья же злаго, и тартара. Да мя не явиши бесом радование, иже многим грѣхом повѣнника. Нова сотвори мя, обѣщавшаго нечувственными, Пренепорочная, согрешении. Странна муки всякия покажи мя, и всех Владыку умоли. Небесная ми улучити веселия, со всеми святыми сподоби. Пресвятая Дево, услыши глас непотребнаго раба Твоего. Струю давай мне слезам, Пречистая, души моя скверну очищаючи. Стенания от сердца приношу Ти непрестанно, усердствуй, Владычице. Молѣбную службу мою прими, и Богу благодарному принеси. Превышшая Ангел, мирскаго мя превышша слітія сотвори. Светоносная Сѣне небесная, духовную благодать во мне направи. Руце воздѣю, и устне к похвалению, осквернены скверною, Всенепорочная. Душетлѣнных мя пакостей избави, Христа прилежно умоляючи; Ему же честь и поклонение подобает, ныне и присно, и во веки веков. Аминь.

#### Молитва 8-я, Господу нашему Иисусу Христу

Многომилостиве и Всемилостиве Боже мой, Господи Иисусе Христе, многия ради любви сшел и воплотился еси, яко

да спасёши всех. И паки, Спа́се, спаси́ мя по благодати, мою́ Тя. Аще бо от дел спасёши мя, несть се благодать и дар, но долг паче: ей, многий в щедро́тах и неизрече́нный в милости. Ве́руяй бо в Мя, рекл еси, о Христе мой, жив будет и не ўзрит смерти во веки. Аще убо ве́ра, яже в Тя, спасает отча́янные, се верую, спаси мя, яко Бог мой еси Ты и Создатель. Вера же вместо дел да вменится мне, Боже мой, не обра́щещи бо дел, отню́д оправда́ющих мя. Но та вера моя да довлéет вместо всех, та да отвещáет, та да оправди́т мя. та да покажет мя причастника славы Твое́й вечныя. Да не убо похитит мя сатана, и похва́лится, Слове, еже отто́ргнути мя от Твое́й руки и ограда; но и́ли хошú, спаси мя, или не хошу, Христе Спа́се мой, предвари́ скоро, скоро, погибóх: Ты бо еси Бог мой от чр́ва матери мое́й. Сподоби мя, Господи, ны́не возлю́бити Тя, якоже возлю́бих иногдá той самый грех; и паки порабо́тати Тебе без лености то́щно, якоже порабо́тах прежде сатане льсти́вому. Наипаче же поработаю Тебе, Господу и Богу моему́ Иисусу Христу, во вся дни живота моего, ны́не и присно, и во веки веков. Аминь.

#### Молитва 9-я, к Ангелу Хранителю

Святы́й Ангеле, предсто́йй ока́янной мое́й души и страстней мое́й жизни, не остави мене́ грешнаго, ниже́ отступи от мене́ за невоздержáние мое. Не даждь места лука́вому де́мону облада́ти мною, насильством смертнаго сего́ телесе́; укрепи́ бедствующую и худúю мою́ руку и настави мя на путь спасения. Ей, святы́й Ангеле Божий, храните́лю и покровите́лю, ока́янная мое́й души и тела, вся мне прости, е́лики мя оскорби́х во вся дни живота́ моего, и аще что согреших в прешедшую но́щь сию́, покрый мя в настоя́щий день, и сохрани мя от всякаго искушения противнаго, да ни в ко́ем гресе́ прогне́ваю Бога, и моли́ся за мя ко Господу, да утвердит мя в стра́се Своем, и достойна покажет мя раба Свое́й бла́гости. Аминь.

#### Молитва 10-я, ко Пресвятой Богородице

Пресвята́я Владычице́ моя Богоро́дице, святы́ми Твоими́ и все́ильными мо́льба́ми отже́ни от мене́ смиреннаго и ока́яннаго раба Твоего́ уны́ние, забвение, неразу́мие, нераде́ние,



и вся скверная, лукавая и хульная помышления от окаянного моего сердца и от помраченного ума моего; и погаси пламень страстей моих, яко нищ есмь и окаянен. И избави мя от многих и лютых воспоминаний и предприятий, и от всех действий злых свободи мя. Яко благословена еси от всех родов, и славится пречестное имя Твое во веки веков. Аминь.

#### Молитвенное призывание святого, имя которого носишь

Моли Бога о мне, святый угодниче (имя), яко аз усердно к тебе прибегаю, скорому помощнику и молитвеннику о душе моей.

#### Песнь Пресвятой Богородице

Богородице Дево, радуйся, Благодатная Марие, Господь с Тобою; благословенна Ты в женах и благословен плод чрева Твоего, яко Спаса родила еси душ наших.

#### Тропарь Кресту и молитва за отечество

Спаси, Господи, люди Твоя, и благослови достояние Твое, победы на сопротивных даруя, и Твое сохраняя Крестом Твоим жительство.

#### Молитва о живых

Спаси, Господи, и помилуй отца моего духовнаго (имя), родителей моих (имена), сродников (имена), начальников, наставников, благодетелей (имена их) и всех православных христиан.

#### Молитва об усопших

Упокой, Господи, души усопших раб Твоих: родителей моих, сродников, благодетелей (имена их) и всех православных христиан, и прости им вся согрешения вольная и невольная и даруй им Царствие Небесное.

#### Окончание молитв

Достойно есть яко воистинну блажити Тя Богородицу, Присноблаженную и Пренепорочную и Матерь Бога нашего.

Честнейшую Херувим и славнейшую без сравнения Серафим, без истления Бога Слова рождшую, сущую Богородицу Тя величаем\*.

Слава, и ныне: Господи, помилуй. (Трижды).

Господи Иисусе Христе, Сыне Божий, молитв ради Пречистыя Твоея Матере, преподобных и богоносных отец наших и всех святых помилуй нас. Аминь.

**Молитва последних оптинских старцев\*\***

Господи, дай мне с душевным спокойствием встретить все, что принесет мне наступающий день. Дай мне всецело предаться воле Твоей святой. На всякий час сего дня во всем наставь и поддержи меня. Какие бы я ни получал известия в течение дня, научи меня принять их со спокойной душой и твердым убеждением, что на все святая воля Твоя.

Во всех словах и делах моих руководи моими мыслями и чувствами. Во всех непредвиденных случаях не дай мне забыть, что все ниспослано Тобой.

Научи меня прямо и разумно действовать с каждым членом семьи моей, никого не смущая и не огорчая.

Господи, дай мне силу перенести утомление наступающего дня и все события в течение дня. Руководи моею волею и научи меня молиться, верить, надеяться, терпеть, прощать и любить. Аминь.

---

\* От Пасхи до Вознесения вместо этой молитвы читается припев и прпмс 9-й песни пасхального канона:

Ангел вопийше Благодатней: Чистая Дево, радуйся! И паки реку: радуйся! Твой Сын воскрес тридневен от гроба и мертвыя воздвигнувый: людие, веселитесь!

Светися, светися, новый Иерусалиме, слава бо Господня на тебе возсия. Ликуй ныне и веселися, Сионе. Ты же, Чистая, красуйся, Богородице, о востании Рождества Твоего.

Это замечание относится и к молитвам на сон грядущим.

\*\* Нижеследующая молитва не входит в состав утренних молитв, но помещается здесь для благочестиваго употребления произволяющих.



## ЧАСЫ ПАСХАЛЬНЫЕ\*

Христос воскрёсе из мертвых, смертию смерть поправ и сущим во гробѣх живот даровав (*Трижды*).

Воскресение Христово видевше, поклонимся Святому Господу Иисусу, Единому Безгрешному. Кресту Твоему покланяемся, Христе, и Святое Воскресение Твое поем и славим: Ты бо еси Бог наш, разве Тебе иного не знаем, имя Твое именуем. Приидите, вси вернии, поклонимся Святому Христову Воскресению; се бо прииде Крестом радость всему миру; всегда благословяще Господа, поем Воскресение Его, распятие бо претерпев, смертию смерть разруши. (*Трижды*).

Предварившия утро яже о Марии и обретшия камень отвален от гроба слышаху от Ангела: во свете присносущнем Сущаго с мертвыми что ищете, яко человека? Видите гробныя пелены: тецыте и миру проповедите, яко воста Господь, умертвивый смерть, яко есть Сын Бога, спасающего род человеческий.

Аще и во гроб снизшел еси, Безсмертне, но адову разрушил еси силу и воскресл еси, яко Победитель, Христе Боже, женам мироносицам вещавый: Радуйтесь! и Твоим апостолом мир даруяй, падшим подай воскресение.

Во гробе плотски, во аде же с душею, яко Бог, в рай же с разбойником, и на Престоле был еси, Христе, со Отцем и Духом, вся исполняяй, неописанный.

Слава: Яко Живоносец, яко рай краснейший, воистинну и чертога всякаго царскаго показася светлейший, Христе, гроб Твой, источник нашего воскресения.

И ныне: Вышняго освященное Божественное селение, радуйся. Тобою бо дадеся радость, Богородице, зовущим: благословена Ты в женах еси, Всенепорочная Владычице.

Господи, помилуй (40). Слава, и ныне: Честнейшую Херувим... Христос воскресе... (*Трижды*).

\* В пасхальную седмицу вместо утренних и вечерних молитв читаются обычно пасхальные часы.

## МОЛИТВЫ В ПРОДОЛЖЕНИИ ДНЯ

### Пред началом всякаго дела

Господи Иисусе Христе, Сыне Единородный Безначальнаго Твоего Отца, Ты рекл еси пречистыми усты Твоими: яко без Мене не можете творити ничтоже. Господи мой, Господи, верю объем в души моей и сердца Тобою реченная, припадаю к Твоей благодати: помози ми грешному сие дело, мною начинаемо, о Тебе Самом совершити, во имя Отца и Сына и Святаго Духа. Аминь.

### По окончании всякаго дела

Исполнение всех благих Ты еси, Христе мой, исполни радости и веселия душу мою и спаси мя, яко един Многомилостив.

### Пред учением

Преблагий Господи! Ниспосли нам благодать Духа Твоего Святаго, дарствующаго и укрепляющаго душевныя наши силы, дабы, внимая преподаваемому нам учению, возрасли мы Тебе, нашему Создателю, во славу, родителем же нашим на утешение, Церкви и отечеству на пользу.

### После учения

Благодарим Тебе, Создателю, яко сподобил еси нас благодати Твоея, во еже внимати учению. Благослови наших начальников, родителей и учителей, ведущих нас к познанию блага, и подаждь нам силу и крепость к продолжению учения сего.

### Молитва перед вкушением пищи

«Отче наш... (см. стр. 6) или:

Очи всех на Тя, Господи, уповают, и Ты даеши им пищу во благовремени, отверзаеши Ты щедрую руку Твою и исполняеши всякое животное благоволения.



## Молитва после вкушения пищи

— Благодарим Тя, Христе Боже наш, яко насытил еси нас земных Твоих благ; не лиши нас и Небеснаго Твоего Царствия, но яко посреде учеников Твоих пришел еси, Спасе, мир давай им, прииде к нам и спаси нас.

Во время бедствия и при нападении врагов  
Псалом 90

Живый в помощи Вышняго, в крове Бога небеснаго водворится, речёт Господев: заступник мой еси и прибежище мое, Бог мой, и уповаю на Него. Яко Той избавит тя от сети ловчи и от словесе мятежна: плешма Своима осенит тя, и под криле Его надеешься: оружием обыдет тя истина Его. Не убойшися от страха нощнаго, от стрелы, летящия во дни, от вещи во тме преходящия, от сряща и беса полуденнаго. Падёт от страны твоея тысяща, и тма одесную тебе, к тебе же не приближится. Обаче очима Твоима смóтриши и воздаяние грешников ўзриши. Яко Ты, Господи, упование мое: Вышняго положил еси прибежище твое. Не приидет к тебе зло, и рана не приближится телеси твоему: яко Ангелом Своим заповесть о тебе, сохранити тя во всех путех твоих. На руках возмут тя, да некогда преткнёши о камень ногу твою: на аспида и василиска наступиши, и поперёши льва и змия. Яко на Мя упová, и избавлю ѳ, покрýю ѳ; яко познá имя Мое. Воззовет ко Мне, и услышу его: с ним есмь в скорби, измý его и прославлю его: долготóю дний исполню его и явлю ему спасение Мое.

*Кроме того, каждый монах или благочестивый мирянин, должен неустанно творить молитву Иисусову: Господи Иисусе Христе, Сыне Божий, помилуй мя грешнаго.*

## МОЛИТВЫ НА СОН ГРЯДУЩИМ

Во имя Отца, и Сына, и Святаго Духа. Аминь.

Господи Иисусе Христе, Сыне Божий, молитв ради Пречистыя Твоей Матере, преподобных и богоносных отец наших и всех святых, помилуй нас. Аминь.

Слава Тебе, Боже наш, слава Тебе.

Царю Небесный, Утешителю, Душе истины, Иже везде сый и вся исполняй, Сокровище благих и жизни Подателю, прииди и вселися в ны, и очисти ны от всякия скверны, и спаси, Блаже, души наша.

Святой Боже, Святой Крепкий, Святой Безсмертный, помилуй нас. (Трижды).

Слава Отцу и Сыну и Святому Духу, и ныне и присно и во веки веков. Аминь.

Пресвятая Троице, помилуй нас; Господи, очисти грехи наша; Владыко, прости беззакония наша; Святой, посети и исцели немощи наша, имене Твоего ради.

Господи, помилуй. (Трижды). Слава, и ныне:

Отче наш, Иже еси на небесех! Да святится имя Твое, да придет Царствие Твое, да будет воля Твоя, яко на небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

## Тропари:

Помилуй нас, Господи, помилуй нас; - всякаго бо ответа недоумёюще, сию Ти молитву, яко Владыце, грешнии приносим: помилуй нас.

Слава: Господи, помилуй нас, на Тя бо уповáхом; не прогнѣвайся на ны зело, ниже помяни беззаконий наших, но



прізри и ныне яко благоутробен, и избави ны от враг наших; Ты бо еси Бог наш, и мы людие Твои, вси дела рукú Твоею, и имя Твое призываем.

И ныне: Милосердия двери отвѣрзи нам, благословенная Богородице, надѣющіися на Тя да не погибнем, но да избáвимся Тобою от бед: Ты бо еси спасение рода христианскаго.

Господи, помилуй.. (12 раз).

**Молитва 1-я, святого Макария Великого,  
к Богу Отцу**

Боже вечный и Царю всякаго создания, сподобивый мя даже в час сей dospѣти, прости ми грехи, яже сотворих в сей день делом, словом и помышлением, и очисти, Господи, смиренную мою душу от всякия скверны плоти и духа. И даждь ми, Господи, в ноші сей сон прейти в мире, да востав от смиренного ми ложа, благоугождѹ пресвятому имени Твоему, во вся дни живота моего, и поперѹ борѹщия мя враги плотскія и безплотныя. И избави мя, Господи, от помышлений сѹетных, оскверняющих мя, и пѹхотей лукавых. Яко Твое есть царство и сила и слава, Отца и Сына и Святаго Духа, ныне и прісно и во веки веков. Аминь.

**Молитва 2-я, святого Антиоха,  
ко Господу нашему Иисусу Христу**

Вседержителю, Слово Отчее, Сам совершен сый, Иисусе Христе, многаго ради милосердия Твоего никогдѣ отлучайся мене, раба Твоего, но всегда во мне почивай, Иисусе, добрый Пастырю Твоих овец, не предаждь мене крамолѣ змійне, и желанию сатанинѹ не остави мене, яко семя тли во мне естъ. Ты убо, Господи Боже покланяемый, Царю Святый, Иисусе Христе, спяща мя сохрани немерцающим светом, Духом Твоим Святым, Имже освятѣл еси Твоя ученики. Даждь, Господи, и мне, недостойному рабу Твоему, спасение Твое на ложѣ моем: просвети ум мой светом разума святаго Евангелія Твоего, душу любовию Креста Твоего, сердце чистотою словесѣ Твоего, тело мое Твоею страстию безстрастною, мысль мою Твоим смирением сохрани, и воздвигни мя во время подобно на Твое славословие. Яко препрослáвлен еси со

Безначальным Твоим Отцем и с Пресвятым Духом во веки. Аминь.

### Молитва 3-я, ко Пресвятому Духу

Господи, Царю Небесный, Утешителю, Душе истины, умилосердися и помилуй мя грешнаго раба Твоего, и отпусти ми недостойному, и прости вся, елика Ти согреших днесь яко человек, паче же и не яко человек, но и горее скота, вольныя моя грехи и невольныя, ведомыя и неведомыя: яже от юности и от науки злы, и яже суть от наглства и уныния. Аще именем Твоим кляхся, или похулих е в помышлении моем; или кого укорих; или оклеветалх кого гневом моим, или опечалих, или о чем прогневахся; или солгах, или безгодно спях, или нищ прииде ко мне, и презрех его; или брата моего опечалих, или свадих, или кого осудих; или развеличалхся, или разгордехся, или разгневахся; или стоящу ми на молитве, ум мой о лукавствии мира сего подвижеся, или развращение помыслих; или объядохся, или опихся, или без ума смеяхся; или лукавое помыслих, или доброту чуждую виде, и тою уязвлен бых сердцем; или неподобная глаголах, или греху брата моего посмейхся, моя же суть безчисленная согрешения; или о молитве не радих, или ино что содеях лукавое, не помню, та бо вся и больша сих содеях. Помилуй мя, Творче мой Владыко, унылаго и недостойнаго раба Твоего, и остави ми, и отпусти, и прости мя, яко Благ и Человеколюбец, да с миром лягу, усну и почию, блудный, грешный и окаянный аз, и поклонюся, и воспою, и прославлю пречестное имя Твое, со Отцем, и Единородным Его Сыном, ныне и присно, и во веки. Аминь.

### Молитва 4-я, святого Макария Великого

Что Ти принесу, или что Ти воздам, великодаровитый Безсмертный Царю, щедре и человеколюбче Господи, яко ленилася мене на Твое угождение, и ничтоже благо сотворша, привел еси на конец мимошедшаго дне сего, обращение и спасение души моей строю? Милостив ми буди грешному и обнаженному всякаго дела блага, возстави падшую мою душу, осквернившуюся в безмерных согрешениях, и отыми от мене весь помысл лукавый видимаго сего жития. Прости моя согрешения, едине Безгрешне, яже Ти согреших в сей день,



вѣдѣніем, и неведѣніем, словом, и делом, и помышлением, и всеми моими чувствами. Ты Сам, покрывая, сохрани мя от всякаго сопротивнаго обстоянія Божественною Твоею властію, и неизречѣнным человеколюбіем, и силою. Очисти, Боже, очисти множество грехов моих. Благоволи, Господи, избавити мя от сѣти лукаваго, и спаси страстную мою душу, и осени мя светом лица Твоего, егда приидеши во славе, и неосужденна ныне спом уснути сотвори, и без мечтання, и несмущѣн помысл раба Твоего соблюди, и всю сатанину дѣтель отжени от мене, и просвети ми разумныя очи сердечныя, да не усну в смерть. И послѣ ми Ангела мирна, хранителя и наставника души и телу моему, да избавит мя от враг моих; да встав со одра моего, принесу Ти благодарственные мольбы. Ей, Господи, услыши мя грешнаго и убогаго раба Твоего, изводѣнцем и совестию; даруй ми воставшу словесѣм Твоим поучитися, и уныніе бесѣдовское далече от мене отгнано быти сотвори Твоими Ангелы; да благословлю имя Твое святое, и прославлю, и славлю Пречистую Богородицу Марію, Юже дал еси нам грешным заступленіе, и прими Сію молящуюся за ны; вѣм бо, яко подражает Твое человеколюбіе, и молящися не престаѣт. Той заступленіем, и Честнаго Креста знаменіем, и всех святых Твоих ради, убогую душу мою соблюди, Иисусе Христе Боже наш, яко Свят еси, и препрославлен во вѣки. Аминь.

#### Молитва 5-я

Господи Боже наш, еже согреших во дни сем словом, делом и помышлением, яко Благ и Человеколюбец прости ми. Мирен сон и безмятежен даруй ми. Ангела Твоего хранителя послѣ, покрывающа и соблюдающа мя от всякаго зла, яко Ты еси хранитель душам и телесам нашим, и Тебе славу возсылаем, Отцу и Сыну и Святому Духу, ныне и присно, и во веки веков. Аминь.

#### Молитва 6-я

Господи Боже наш, в Негоже вѣровахом, и Егоже имя паче всякаго имени призываем, даждь нам, ко сну отходящим, ослабу души и телу, и соблюди нас от всякаго мечтання, и темныя сласти кроме; устави стремление страстей, угаси разжѣнія востанія телеснаго. Дажь нам целомудренне по-

жити дѣлы, и словесы: да добродетельное житѣльство воспріѣмлюще, обетованных не отпадѣм благихъ Твоихъ, яко благословен еси во веки. Аминь.

**Молитва 7-я, святого Иоанна Златоуста**  
(24 молитвы, по числу часовъ дня и ночи)

<sup>1</sup>Господи, не лишѣ мене небесныхъ Твоихъ благъ. <sup>2</sup>Господи, избави мя вечныхъ мукъ. <sup>3</sup>Господи, умомъ ли или помышлѣніемъ, словомъ или деломъ согрѣшихъ, прости мя. <sup>4</sup>Господи, избави мя всякаго невѣденія и забвенія, и малодушія и окаменѣннаго нечувствія. <sup>5</sup>Господи, избави мя отъ всякаго искушенія. <sup>6</sup>Господи, просвети мое средце, еже помрачѣ лукавое похотѣніе. <sup>7</sup>Господи, азъ яко человекъ согрѣшихъ, Ты же яко Богъ щедръ помилуй мя, видя немощь души моея. <sup>8</sup>Господи, послѣ благодать Твою въ помощь мнѣ, да прославлю имя Твое святое. <sup>9</sup>Господи Иисусе Христе, напиши мя раба Твоего въ книзе живѣтней и даруй ми конецъ благихъ. <sup>10</sup>Господи Боже мой, аще и ничтоже благо сотворихъ предъ Тобою, но даждь ми по благодати Твоей положити начало благое. <sup>11</sup>Господи, окропи въ сердцѣ моемъ росу благодати Твоея. <sup>12</sup>Господи небесе и земли, помяни мя грѣшнаго раба Твоего, студнаго и нечистаго, во Царствіи Твоемъ. Аминь.

<sup>1</sup>Господи, въ покаяніи приими мя. <sup>2</sup>Господи, не остави мене. <sup>3</sup>Господи, не введи мене въ напасть. <sup>4</sup>Господи, даждь ми мысль благу. <sup>5</sup>Господи, даждь ми слезы, и память смертнующую, и умиленіе. <sup>6</sup>Господи, даждь ми помыслъ исповѣданія грѣховъ моихъ. <sup>7</sup>Господи, даждь ми смиреніе, целомудріе и послушаніе. <sup>8</sup>Господи, даждь ми терпѣніе, великодушіе и кротость. <sup>9</sup>Господи, всели въ мя корень благихъ, страхъ Твой въ сердце мое. <sup>10</sup>Господи, сподоби мя любѣти Тя отъ всея души моея и помышленія и творити во всемъ волю Твою. <sup>11</sup>Господи, покрый мя отъ человекъ некоторыхъ, и бесѣвъ, и страстей, и отъ всякихъ иныхъ неподѣбныхъ вещей. <sup>12</sup>Господи, веси, яко творѣши, якоже Ты волиши, да будетъ воля Твоя и во мнѣ грѣшномъ, яко благословен еси во веки. Аминь.

**Молитва 8-я, ко Господу нашему Иисусу Христу**

Господи Иисусе Христе, Сыне Божій, ради честнѣйшія Матере Твоея, и безплѣтныхъ Твоихъ Ангелъ, Пророка же и



Предтечи и Крестителя Твоего, богоглаголивых же апостол, светлых и добропобедных мученик, преподобных и богоносных отец, и всех святых молитвами, избави мя настоящего обстояния бесовскаго. Ей, Господи мой и Творче, не хотяи смерти грешнаго, но якоже обратитися и живу быти ему, даждь и мне обращение окаянному и недостойному; изми мя от уст пагубнаго змия, зияющаго пожрети мя и свести во ад жива. Ей, Господи мой, утешение мое. Иже мене ради окаяннаго в тленную плоть оболкийся, исторгни мя от окаинства, и утешение подаждь душ мойей окаянной. Всади в сердце мое творити Твоя повеления, и оставити лукавая деяния, и получить блаженства Твоя: на Тя бо, Господи, уповах, спаси мя.

**Молитва 9-я, ко Пресвятой Богородице,  
Петра Студийского**

К тебе Пречистей Божией Матери аз окаянный припадаю молюся: веси, Царице, яко безпрестанно согрешаю и прогневаю Сына Твоего и Бога моего, и многажды аще каюся, лож пред Богом обретаюся, и каюся трепеща: не уже ли Господь поразит мя, и по часе паки таяжде творю: ведущи сия, Владычице моя Госпоже Богородице, молю, да помилуеши, да укрепиши, и благая творити да подаси ми. Веси бо, Владычице моя Богородице, яко отнюд имам в ненависти злая моя дела, и всею мыслию люблю закон Бога моего: но не вем, Госпоже Пречистая, откуда яже ненавижду, та и люблю, а благая преступаю. Не попускай, Пречистая, воли моей совершатися, не угодна бо есть: но да будет воля Сына Твоего и Бога моего: да мя спасет, и вразумит, и подаст благодать Святаго Духа, да бых аз отселе престал сквернодействовать, и прочее пожил бых в повелении Сына Твоего, Ему же подобает всякая слава, честь и держава, со Безначальным Его Отцем, и Пресвятым и Благим и Животворящим Его Духом, ныне и присно, и во веки веков. Аминь.

**Молитва 10-я, ко Пресвятой Богородице**

Благого Царя благая Мати, Пречистая и Благословенная Богородице Марие, милость Сына Твоего и Бога нашего излей на страстную мою душу и Твоими молитвами настави мя на деяния благая, да прочее время живота моего без порока

прейду и Тобою рай да обрящу, Богородице Дево, едина Чистая и Благословенная.

#### Молитва 11-я, ко святому Ангелу Хранителю

Ангеле Христов, хранителю мой святыи и покровителю души и тела моего; вся ми прости, елика согреших во-днешний день, и от всякаго лукавствия противнаго ми врага избави мя, да ни в коемже гресе прогневаю Бога моего; но моли за мя грешнаго и недостойнаго раба, яко да достойна мя покажеша благодати и милости Всесвятыя Троицы и Матере Господа моего Иисуса Христа и всех святых. Аминь.

#### Кондак Богородице

Взбранной Воеводе победительная, яко избавльшися от злых, благодарственная восписуем Ти раби Твои, Богородице, но яко имущая державу непобедимую, от всяких нас бед свободи, да зовем Ти: радуйся, Невесто Неневестная.

Преславная Приснодево, Мати Христа Бога, принеси нашу молитву Сыну Твоему и Богу нашему, да спасет Тобою души наша.

Все упование мое на Тя возлагаю, Мати Божия, сохрани мя под кривом Твоим.

Богородице Дево, не презри мене грешнаго, требующа Твоя помощи и Твоего заступления, на Тя бо упова душа моя, и помилуй мя.

#### Молитва святого Иоанникия

Упование мое Отец, прибежище мое Сын, покров мой Дух Святыи: Троице Святая, слава Тебе.

Достойно есть яко воистину блажити Тя, Богородицу, Присноблаженную и Пренепорочную и Матерь Бога нашего. Честнейшую Херувим и славнейшую без сравнения Серафим, без истления Бога Слова рождшую, сущую Богородицу Тя величаем.



Слава, и ныне: Господи, помилуй. (Трижды).

Господи Иисусе Христе, Сыне Божий, молитв ради Пречистыя Твоея Матере, преподобных и богоносных отец наших и всех святых, помилуй нас. Аминь.

**Молитва святого Иоанна Дамаскина**

Владыко Человеколюбче, не ужэли мне одр сей гроб будет, или еще окайнную мою душу просветиши днем? Се ми гроб предлежит, се ми смерть предстоит. Суда Твоего, Господи, боюся и муки безконечныя, злое же творя не престаю: Тебе Господа Бога моего всегда прогневляю, и Пречистую Твою Матерь, и вся Небесныя силы, и святого Ангела хранителя моего. Вем убо, Господи, яко недостоин есмь человеколюбия Твоего, но достоин есмь всякого осуждения и муки. Но, Господи, или хошу, или не хошу, спаси мя. Аще бо праведника спасеши, ничтоже вэлие: и аще чистаго помилуеши, ничтоже дивно: достойни бо суть милости Твоея. Но на мне грешнем удивь милость Твою: о сем яви человеколюбия Твое, да не одолéет моя злоба Твоей неизглабо́ланней бла́гости и милосердию: и якоже хочеши, устрой о мне вещь.

Просвети очи мои, Христе Боже, да не ко́гда усну́ в смерть, да не когда речет враг мой: укрепихся на него.

Слава: Засту́пник души моя буди, Боже, яко посреде́ хожду сетей мно́гих; избáви мя от них и спаси мя, Блаже, яко Человеколюбец.

И ныне: Преславную Божию Матерь, и святых Ангел Святейшую, немóлчно воспойм сердцем и усты́, Богородицу сию испове́дающе, яко воистинну рождшую нам Бога воплощённа, и моля́щуюся непрестанно о душах наших.

**Знаменуй себя крестом и говори молитву Честному Кресту:**

Да воскреснет Бог, и расточáтся врази́ Его, и да бежат от лица́ Его ненавидя́щие Его. Яко исчезает дым, да исчезнут; яко тает воск от лица́ огня, тако да погибнут беси от лица́ любя́щих Бога и зна́менующихся крестным зна́мением, и в

веселии глаголющих: радуйся, Пречестный и Животворящий Кресте Господень, прогоняяй бёсы силою на тебе пропятаго Господа нашего Иисуса Христа, во ад сшедшаго и поправшаго силу диаволю, и даровавшаго нам тебе Крест Свой Честный на прогнание всякаго супостата. О, Пречестный и Животворящий Кресте Господень! Помогай ми со Святою Госпожею Девою Богородицею и со всеми святыми во веки. Аминь.

#### Или кратко:

Огради мя, Господи, силою Честнаго и Животворящаго Твоего Креста, и сохрани мя от всякаго зла.

#### Молитва

Ослаби, остави, прости, Боже, прегрешения наша, вольная и невольная, яже в слове и в деле, яже в ведении и не в ведении, яже во дни и в ночи, яже во уме и в помышлении: вся нам прости, яко Благ и Человеколюбец.

#### Молитва

Ненавидящих и обидящих нас прости, Господи Человеколюбче. Благотворящим благосотвори. Братиям и сродникам нашим даруй яже ко спасению прошения и жизнь вечную. В немощех сущия посети и исцеление даруй. Яже на мори управи. Путешествующим спутешествуй. Служащим и милующим нас грехов оставление даруй. Заповедавших нам недостойным молиться о них помилуй по велицей Твоей милости. Помяни, Господи, прежде усопших отец и братий наших и упокой их, идеже присещает свет лица Твоего. Помяни, Господи, братий наших плененных и избави я от всякаго обстояния. Помяни, Господи, плодоносящих и доброделяющих во святых Твоих церквах, и даждь им яже ко спасению прошения и жизнь вечную. Помяни, Господи, и нас, смиренных и грешных и недостойных раб Твоих, и просвети наш ум светом разума Твоего; и настави нас на стезю заповедей Твоих, молитвами Пречистыя Владычицы нашея Богородицы и Приснодевы Марии и всех Твоих святых: яко благословен еси во веки веков. Аминь.

## Исповедание грехов повседневное

Исповѣдаю Тебе Господу Богу моему и Творцу, во Святей Троице Единому, славимому и покланяемому Отцу, и Сыну, и Святому Духу, вся моя грехи, яже содѣях во вся дни живота моего, и на всякий день, и в настоящее время, и в прешедшия дни и нощи, делом, словом, помышлением, объядением, пьянством, тайноядением, празднословием, унынием, леностию, прекословием, непослушанием, оклеветанием, осуждением, небрежением, самолюбием, многостязанием, хищением, неправдоглаголанием, скверноприбытчеством, мшелоимством, ревнованием, завистию, гневом, памятозлобыем, ненавистию, лихоимством и всеми моими чувствами: зрением, слухом, обонянием, вкусом, осязанием и прочими моими грехи, душевными вкупе и телесными, имиже Тебе Бога моего и Творца прогневах, и ближняго моего онеправдовах: о сих жалея, винна себе Тебе Богу моему представляю, и имею волю каяться: точию, Господи Боже мой, помози ми, со слезами смиренно молю Тя: прешедшая же согрешения моя милосердием Твоим прости ми; и разреши от всех сих, яже изглаголах пред Тобою, яко Благ и Человеколюбец.

## Когда отходишь ко сну, произноси:

В руке Твои, Господи Иисусе Христе, Боже мой, предаю дух мой: Ты же мя благослови, Ты мя помилуй и живот вечный даруй ми. Аминь.

## Молитва Господу Иисусу Христу\*

Господи, Иисусе Христе Сыне Божий! избави мя от обольщения близ грядущаго, богомерзкаго и злохитраго антихриста и укрой мя от коварных сетей его и от всех козней его в сокровенной пустыне Твоего спасения. И подаждь ми, Господи, крепость и помощь благодатную, дабы не убояться мне страха диавольскаго, паче страха Божия и дабы не отступить мне от исповѣдания имени Твоего Святаго и от Святой Твоей Церкви и не отречься от Тебя, как Иуда. Но даждь мне, Господи, лучше пострадать и умереть за тебя и за веру православную, но не изменить Тебе. Даждь мне, Господи, день и ночь плач и слезы о грехах моих и пощади мя, Господи, в час страшнаго Суда Твоего. Аминь.

\* Нижеследующая молитва не входит в состав вечерних молитв. Но помещается здесь для благочестиваго употребленія произволяющих.





## ТРИ КАНОНА ИИСУСУ СЛАДЧАЙШЕМУ, БОЖИЕЙ МАТЕРИ И АНГЕЛУ ХРАНИТЕЛЮ

с присовокуплением Акафиста

### Глас 2. Песнь 1

*Ирмос:* Во глубинѣ постлѣ иногда фараонѣтское всебѣинство преоружѣнная сила, воплощшееся же Слово всезлѣбный грех потребило есть: препрослѣвленный Господь, славно бо прослѣвился.

**Иисусу:**

Иисусе Сладчайший, спаси мя.

Иисусе Сладчайший, Христе, Иисусе Долготерпеливе, души моя язвы изцели, Иисусе, и улади сердце мое, Многомилостиве, молюся, Иисусе Спасе мой, да величаю Тя спасаемый.

Иисусе Сладчайший Христе, Иисусе, отвѣрзи покаяния ми дверь, Человеколюбче Иисусе, и прими мя Тебе припадающа и тепле просяща, Иисусе Спасе мой, согрешений прощенья.

Иисусе Сладчайший Христе, Иисусе, исхити мя из руки лѣстиваго велиара, Иисусе, и сотвори деснаго предстоятеля славы Твоя Иисусе Спасе мой, части шуия мя избавляяй.

*Богородицен:* Иисуса рождающая Бога, Владычице, моли о непотребных рабах, Пречистая, яко да муки молитвами Твоими избавимся, Нескверная, оскверненнии, славы присносушныя наслаждающесея.

**Богородице:**

Пресвятая Богородице, спаси нас.

Многими содержимь напастьми, к Тебе прибегаю, спасения иский: о, Мати Слова и Дево, от тяжких и лютых мя спаси.

Страстей мя смущают прилози, многого уныния исполнити мою душу; умири, Отроковице, тишицею Сына и Бога Твоего, Всенепорочная.

Спаса рождшую Тя и Бога, молю, Дево, избавитися милых: к Тебе бо ныне прибегаю, простираю и душу и помышление.

Недугующа телом и душею, посещения Божественнаго и промысления от Тебе сподоби, едина Богомати, яко благая, Благаго же Родительница.

**Ангелу:**

Господи Иисусе Христе Божей мой, помилуй мя.

Песнь воспети и восхвалити, Спасе, Твоего раба достойно сподоби, безплотному Ангелу, наставнику и хранителю моему.

Святый Ангеле, хранителю мой, моли Бога о мне.

Един аз в неразумии и в лености ныне лежю, наставниче мой и хранителю, не остави мене погибающе.

Слава: Ум мой твоею молитвою направи, творити ми Божия повеления, да получу от Бога отдание грехов, и ненавижди ми злых настави мя, молюся ти.

И ныне: Молися, Девнице, о мне, рабе Твоем, ко Благодателю, со хранителем моим Ангелом, и настави мя творити заповеди Сына Твоего и Творца моего.

## Песнь 3

*Ирмос:* На камени мя веры утвердив, расширил еси уста моя на враги моя. Возвесели бо ся дух мой, внемга пети: несть свят якоже Бог наш, и несть праведен паче Тебе, Господи.

## Иисусу:

Услыши, Человеколюбче Иисусе мой, раба Твоего, вопиюща во умилении: и избави мя, Иисусе, осуждения и мѹки, Едине Долготерпеливе, Иисусе Сладчайший Многомилостиве.

Подъими раба Твоего, Иисусе мой, припадающа со слезами, Иисусе мой, и спаси, Иисусе мой, кающагося мя, и геенны, Владыко, избави, Иисусе Сладчайший, Многомилостиве.

Время, Иисусе мой, еже дал ми еси, во страсти иждѣх, Иисусе мой. Темже, Иисусе мой, не отвѣржи мя, но воззови, молюся, Владыко Иисусе Сладчайший, и спаси.

*Богородицен:* Дево, рождшая Иисуса моего, моли избавити мя геенны, едино предстательство оскорбляемых, Богоблагодатная, и сподоби мя жизни, Всенепорочная, нестареющая.

## Богородице:

Предстательство и покров жизни моя полагаю Тя, Богородительнице Дево: Ты мя окорми ко пристанищу Твоему, благих виновна, верных утверждение, едина Всепетая.

Молю, Дево, душевное смущение и печали моя бурю разорити: Ты бо, Богоневѣстная, начальника тишины Христа родила еси, едина Пречистая.

Благодетеля рождши добрых виновнаго, благодеяния богатство всем источи, вся бо можещи, яко сильнаго в крепости Христа рождши, Богоблаженная.

Лютыми недуги и болезненными страстьми истязаему, Дево, Ты ми помози: исцелений бо неоскудное Тя знаю сокровище, Пренепорочная, неиздеваемое.



**Ангелу:**

Все помышление мое, и душу мою к тебе возложих, хранителю мой; ты от всякия мя напасти вражия избави.

Враг попирает мя и озлобляет, и поучает всегда творити своя хотения: но ты, наставниче мой, не остави мене погибающа.

Слава: Пети песнь со благодарением и усердием Творцу и Богу даждь ми, и тебе благому Ангелу хранителю моему: избавителю мой, изми мя от враг озлобляющих мя.

И ныне: Исцели, Пречистая, моя многонедужныя струпы, яже в души, прожені враги, иже присно борются со мною.

Таже: Господи, помилуй. (*Трижды*)..

**Кондак Иисусу:**

Иисусе Сладчайший, Свете мира, души моея просвети очи, Сыне Божий, Богозърною Твоею светлостію, да пою Тя Света невечерняго.

**Кондак Ангелу:**

Явися мне милосерд, святыи Ангеле Господень, хранителю мой, и не отлучайся от мене сквернаго, но просвети мя светом неприкосновенным, и сотвори мя достойна Царствия Небеснаго.

**Икос:**

Уничуженную душу мою многими соблазны, ты, святыи предстателю, неизреченныя славы небесныя сподоби, и певец с лики безплотных сил Божиих, помилуй мя и сохрани, и помыслы добрыми душу мою просвети, да твоею славою, Ангеле мой, обогащуся, и низложі зломыслищія мне враги, и сотвори мя достойна Царствия Небеснаго.

**Седален Иисусу:**

Спасе мой, Иисусе, блуднаго спасый, Спасе мой Иисусе, приемый блудницу, и мене ныне помилуй, Иисусе Многоми-

лостиве, спаси, ущебри, о Иисусе Благодетелю, якоже, Благоутробне, Манассию, Иисусе мой, яко Един Человеколюбец.

**Слава, седален Ангелу:**

От любве душевныя вопию ти, хранителю моея души, все-  
святый мой Ангеле: покрый мя и соблюди от лукаваго ловле-  
ния всегда, и к жизни настави небесней, вразумляя и просве-  
щая и укрепляя мя.

**И ныне, Богородичен:**

Богородице безвестная Пречистая, Яже без семене  
рождши всех Владыку, Того со Ангелом хранителем моим мо-  
ли, избавитимся всякого недоумения, и дати умиление и свет  
души моей и согрешением очищение, Яже едина вскоре за-  
ступающи.

**Песнь 4**

*Ирмос:* Пришел еси от Девы, не ходатай, ни ангел, но Сам Госпо-  
ди воплощся, и спас еси всего мя человека. Тем зову Ти: слава силе  
Твоей, Господи.

**Иисусу:**

Исцели, Иисусе мой, души моя язвы, Иисусе мой, молюся,  
и руки мя исхити, Иисусе мой Благоутробне, душегубного  
велиара, и спаси.

Согреших, Иисусе мой Сладчайший, Благоутробне: Иису-  
се мой, спаси мя, прибегающего к покрову Твоему, Иисусе  
Долготерпеливе, и Царствия Твоего мя сподоби.

Никтоже согреши, Иисусе мой, якоже согреших аз окаян-  
ный: но припадаю моляся, Иисусе мой, спаси мя, и жизни,  
Иисусе мой, наследие ми даруй.

*Богородичен:* Всепетая, Иисуса рождшая, Господа, Того  
моли избавити муки вся поющия Тя, и Богородицу воистинну  
именующия.

**Богородице:**

Страстей моих смущение, кормчию рождающая Господа, и бурю утиши моих прегрешений, Богоневестная.

Милосердия Твоего бездну призывающую подаждь ми, Яже Благосердаго рождающая, и Спаса всех поющих Тя.

Наслаждающаяся, Пречистая, Твоих дарований, благодарственное воспеваем пение, ведуще Тя Богоматерь.

На одре болезни моя и немощи низлежащу ми, яко Благолюбива, помози Богородице, едина Приснодево.

Надежду и утверждение, и спасения стѣну недвижимую имущу Тя, Всепетая, неудобства всякаго избавляемся.

**Ангелу:**

Моли Человеколюбца Бога ты, хранителю мой, и не остави мене, но присно в мире житие мое соблюди, и подаждь ми спасение неоторжимое.

Яко заступника и хранителя животу моему прием ты от Бога, Ангеле, молю тя святыи, от всяких мя бед свободи.

Слава: Мою скверность твоею святынею очисти, хранителю мой, и от части шуия да отлучен буду молитвами твоими, и причастник славы явлюся.

И ныне: Недоумение предлежит ми от обышедших мя зол, Пречистая, но избави мя от них скоро: к Тебе бо единой прибегах.

**Песнь 5**

*Ирмос:* Просвещение во тме лежащих, спасение отчаянных, Христе Спасе мой, к Тебе утреню Царю мира, просвети мя сиянием Твоим: иного бо, разве Тебе, Бога не знаю.

**Иисусу:**

Ты просвещение, Иисусе мой, ума моего, Ты спасение отчаянных души моя, Спасе, Ты, Иисусе мой, муки избави и геенны мя, зовуща: спаси, Иисусе мой Христе, мя окаяннаго.



Всеконечно, Иисусе мой, ко страсти безчестия низвержен, ныне зову: Ты, Иисусе мой, по́мощи ми руку низпослáv, исторгни зовуща: спаси, Иисусе мой, Христе, мя окаяннаго.

Осквернен ум, Иисусе мой, обнося, взываю Ти: очисти мя от скверны прегрешений, и избави мя во глубины злобы от неведения низползшагося, Спасе Иисусе мой, и спаси мя, молюся.

**Богородицен:** Иисуса рождшая, Отроковице Богородительнице, Того умоли спасти вся православныя, монахи и мирския, и геенны избавити зовущия: разве Тебе предстательства твердаго не знаем.

#### **Богородице:**

Исполни, Чистая, веселия сердце мое, Твою нетленную дающи радость, веселия рождшая виновнаго.

Избави нас от бед, Богородице Чистая, вечное рождши избавление, и мир всяк ум преимуущий.

Разреши мглу прегрешений моих, Богоневесто, просвещением Твоея светлости, Свет рождшая Божественный и пречечный.

Исцели, Чистая, душй моя неможение, посещения Твоего сподобльшая, и здравие молитвами Твоими, подаждь ми.

#### **Ангелу:**

Яко имея дерзновение к Богу, хранителю мой святыи, Сего умоли, от оскорбляющих мя зол избавити.

Свете светлый, свѣтло просвети душу мою, наставниче мой и хранителю, от Бога данный ми Ангеле.

Слава: Спяща мя зле тяготою греховною, яко бдяща сохрани, Ангеле Божий, и возстави мя на славословие молением твоим.

И ныне: Марие, Госпоже Богородице Безневестная, надеждо верных, вражия возношения низложи, поющия же Тя возвесели.

### Песнь 6

*Ирмос:* В бездне греховней ваяяся, неизследную милосердия Твоего призываю бездну: от тли, Боже, мя возведи.

### Иисусу:

Иисусе мой Христе Многомилостиве, исповѣдающася прими мя, Владыко, о Иисусе, и спаси мя, и от тли, Иисусе, мя исхити.

Иисусе мой, никтоже бысть ин блудник, якоже аз страстный, о Иисусе Человеколюбче: но Ты, Иисусе, мя спаси.

Иисусе мой, блудницу и блуднаго, и Манассию и мытаря преидох, о Иисусе мой, страстьми, и разбойника, Иисусе, и ниневитяны.

*Богородицен:* Иисуса Христа моего рождашая, Пречистая Дево, Едина Нескверная, осквернена суща мя, молитв твоих иссопом ныне очисти.

### Богородице:

Смерти и тли яко спасл еси, Сам Ся издав смерти, тлением и смертию мое естество ято бывшее, Дево, моли Господа и Сына Твоего, врагов злодействия мя избавити.

Предстательницу Тя живота вем, и хранительницу тверду, Дево, и напастей решащу, молвы, и налоги бесов отгоняющую; и молюся всегда от тли страстей моих избавити мя.

Яко стѣну прибежища стяжахом, и душ всесовершенное спасение, и пространство в скорбех, Отроковице, и просвещением Твоим присно радуемся: о, Владычице, и ныне нас от страстей и бед спаси.

На одре ныне немощствуяй лежу, и несть исцеления плоти моей: но Бога и Спаса миру, и Избавителя недугов рождашая, Тебе молюся Благой: от тли недуг возстави мя.

**Ангелу:**

Всяких мя напастей свободы, и от печалей спаси, молюся ти, святой Ангеле, данный ми от Бога, хранителю мой добрый.

Освети ум мой, блаже, и просвети мя, молюся ти, святой Ангеле, и мыслити ми полезная всегда настави мя.

Слава: Устави сердце мое от настоящего мятѣжа, и бдети укрепи мя во благѣх, хранителю мой, и настави мя чудно к тишине животней.

И ныне: Слово Божие в Тя вселися, Богородице, и человеком Тя показа небесную лестницу; Тобою бо к нам Вышний сошел есть.

Господи, помилуй. (Трижды). Слава, И ныне:

**АКАФИСТ ИИСУСУ СЛАДЧАЙШЕМУ****Кондак 1**

Возбранный Воеводо и Господи, ада победителю, яко избавлься от вечныя смерти, похвальная восписую Ти, создание и раб Твой; но яко имеяй милосердие неизреченное, от всяких мя без свободы, зовуща: Иисусе, Сыне Божий, помилуй мя.

**Икос 1**

Ангелов Творче и Господи сил, отверзи ми недоуменный ум и язык, на похвалу пречистаго Твоего имени, якоже глухому и гугнивому древле слух и язык отверзл еси, и глаголаше зовый таковая: Иисусе пречудный, Ангелов удивление; Иисусе пресильный, прародителей избавление. Иисусе пресладкий, патриархов величание; Иисусе преславный, царей укрепление. Иисусе прелюбимый, пророков исполнение; Иисусе предивный, мучеников крепость. Иисусе претихий, монахов радость; Иисусе премилостивый, пресвитеров сладость. Иисусе



премилосердый, постников воздержание. Иисусе пресладостный, преподобных радование. Иисусе пречестный, девственных целомудрие; Иисусе предвечный, грешников спасение. Иисусе, Сыне Божий, помилуй мя.

### Кондак 2

Видя вдовицу зельне плачущу, Господи, якоже бо тогда умилосердився, сына ея на погребение несѡма воскресил еси: сице и о мне умилосердися, Человеколюбче, и грехми умерщвленную мою душу воскреси, зовущу: Аллилуиа.

### Икос 2

Разум неуразумѣнный разумети Филипп ища, Господи, покажи нам Отца, глаголаше; Ты же к нему: толикое время сый со Мною, не познал ли еси, яко Отец во Мне, и Аз во Отце есмь? Темже, Неизслѣдование, со страхом зову Ти: Иисусе, Боже предвечный; Иисусе, Царю пресильный. Иисусе, Владыко долготерпеливый; Иисусе, Спасе премилостивый. Иисусе, хранителю мой преблагий; Иисусе, очисти грехи моя. Иисусе, отыми беззакония моя; Иисусе, отпусти неправды моя. Иисусе, надеждо моя, не остави мене; Иисусе, помощниче мой, нѣ отрини мене. Иисусе, Создателю мой, не забуди мене; Иисусе, Пастырю мой, не погуби мене. Иисусе, Сыне Божий, помилуй мя.

### Кондак 3

Силою свыше апостолы облекый Иисусе, во Иерусалиме сядящия, облецы и мене, обнаженного от всякаго благотворения, теплотою Духа Святаго Твоего, и даждь ми с любовью пети Тебе: Аллилуиа.

### Икос 3

Имеяй богатство милосердия, мытари и грешники, и неверныя призвал еси Иисусе; не презри и мене ныне, подобнаго им, но, яко многоценное миро, приими песнь сию: Иисусе, сіло непобедимая; Иисусе, милосте безконечная. Иисусе, красото пресветлая; Иисусе, любы неизреченная. Иисусе, Сыне

Бога живаго; Иисусе, помилуй мя грешнаго. Иисусе, услыши мя в беззаконных зачатого; Иисусе, очисти мя во гресех рожденнаго. Иисусе, научи мя непотребнаго; Иисусе, освети мя темнаго. Иисусе, очисти мя сквернаго; Иисусе, возведи мя блуднаго. Иисусе, Сыне Божий, помилуй мя.

#### Кондак 4

Бурю внутрь имей помышлений сумнительных, Петр утопаше; узрев же во плоти Тя суща, Иисусе, и по водам ходяща, позна Тя Бога истиннаго, и руку спасения получив, рече: Аллилуиа.

#### Икос 4

Слыша слепый мимоходяща Тя, Господи, путем, вопиаше: Иисусе, Сыне Давидов, помилуй мя! И, призвав, отверзл еси очи его. Просвети убо милостию Твоею очи мысленныя сердца и мене, вопиюща Ти и глаголюща: Иисусе, вышних Создателю; Иисусе, нижних Икупителю. Иисусе, преисподних потребителю; Иисусе, всяя твари украсителю. Иисусе, души моя утешителю; Иисусе, ума моего просветителю. Иисусе, сердца моего веселие; Иисусе, тела моего здравие. Иисусе, Спасе мой, спаси мя; Иисусе, свете мой, просвети мя. Иисусе, мѹки всякия избави мя; Иисусе, спаси мя недостойнаго. Иисусе, Сыне Божий, помилуй мя.

#### Кондак 5

Боготочною кровию, якоже искупил еси нас древле от законныя клятвы, Иисусе, сие изми нас от сети, еюже змий запытъ ны страстьми плотскѹми, и блудным наваждением, и злым унынием, вопиюща Ти: Аллилуиа.

#### Икос 5

Видевше отроцы еврейстии во образе человечестем Создавшаго рукою человека, и Владыку разумевше Его, потщашася вѣтвѹми угодити Ему, осанна вопиюще. Мы же песнь приносим Ти, глаголюще: Иисусе, Боже истинный; Иисусе, Сыне Давидов, Иисусе, Царю преславный; Иисусе, Агнче непорочный, Иисусе, Пастырю предивный; Иисусе, хранителю

во младости моей. Иисусе, кормителю во юности моей; Иисусе, похвало в старости моей. Иисусе, надежно в смерти моей; Иисусе, животе по смерти моей. Иисусе, утешение мое на суде Твоем; Иисусе, желание мое, не посрами мене тогда. Иисусе, Сыне Божий, помилуй мя.

#### Кондак 6

Проповедник Богоносных вещание и глаголы исполняя, Иисусе, на земли явлься, и с человеки Невместимый пожил еси, и болезни наша подъял еси; отнюдуже ранами Твоими мы исцелевше, пети навыхом: Аллилуиа.

#### Икос 6

Возсия вселенней просвещение истины Твоя, и отгнася лесь бесовская: идоли бо, Спасе наш, не терпяще Твоя крепости, падоша. Мы же, спасение получивше, вопием Ти: Иисусе, Истино, лесь отгоняющая; Иисусе, Свете, превышший всех свѣтлостей. Иисусе, Царю, премога́й всех крепости; Иисусе Боже, пребывай в милости. Иисусе, Хлебе животный, насыти мя а́лчущаго; Иисусе, Источниче разума, напой мя жаждущаго. Иисусе, одеждо веселия, одеяй мя тленного; Иисусе, покрове радости, покрый мя недостойнаго. Иисусе, Подателю просящим, даждь ми плач за грехи моя; Иисусе, обрѣтение ищущих, обрящи душу мою. Иисусе, Отвѣрзителю толкущим, отверзи сердце мое окаянное; Иисусе, искупителю грешных, очисти беззакония моя. Иисусе, Сыне Божий, помилуй мя.

#### Кондак 7

Хотя сокровенную тайну от века открыти, яко овча на заклѣние веден был еси, Иисусе, и яко агнецъ прямо стригущаго его безгласен, и яко Бог из мертвых воскресл еси, и со славою на небеса вознеслся еси, и нас совоздвигл еси, зовущих: Аллилуиа.

#### Икос 7

Дивную показа тварь явля́йся Творецъ нам: без семене от Девы воплотися, из гроба, печати не рушив, воскресе, и ко апостолом, дверем затворенным, с плотию вниде. Темже чу-



дѣша, воспоим: Иисусе, Слове необъимѣнный; Иисусе, Слове несоглядѣемый, Иисусе, Сило непостижимая; Иисусе, Мудросте неодоумлима. Иисусе, Божество неопісанное; Иисусе, господство неизчѣтное. Иисусе, царство непобедимое; Иисусе, владычество безконечное. Иисусе, крепосте высочайшая; Иисусе, власти вечная. Иисусе, Творче мой, ущедрѣ мя; Иисусе, Спасе мой, спаси мя. Иисусе, Сыне Божій, помилуй мя.

#### Кондак 8

Странно Бога вочеловѣчаша видѣше, устранимъ суетнаго мира, и умъ на Божественная возложимъ. Сего бо ради Богъ на землю снѣде, да насъ на небеса возведетъ, вопиющихъ Ему: Аллилуиа.

#### Икос 8

Весь бе въ нижнихъ, и вышнихъ никакоже отступи Неисчѣтный, егда волею насъ ради пострада, и смертью Своею нашу смерть умертви, и воскресениемъ животъ дарова поющимъ: Иисусе, сладосте сердечная; Иисусе, крепосте телесная. Иисусе, свѣтлосте душевная; Иисусе, быстротѣ умная. Иисусе, радосте совѣстная; Иисусе, надеждо известная. Иисусе, памяти предвѣчная; Иисусе, похвалѣ высокая. Иисусе, славо моя превознесенная; Иисусе, желаніе мое не отрини мене. Иисусе, Пастырю мой, взыщи мене; Иисусе, Спасе мой, спаси мене. Иисусе, Сыне Божій, помилуй мя.

#### Кондак 9

Все естество ангельское безпрестани славитъ пресвятое имя Твое, Иисусе, на небеси, Святъ, Святъ, Святъ, вопиюще: мы же, грѣшнии, на земли бранными устнами вопиемъ: Аллилуиа.

#### Икос 9

Ветѣя многовѣщанныя, якоже рыбы безгласныя, видимъ о Тебѣ, Иисусе, Спасе нашъ: недоумеютъ бо глаголати, како Богъ непреложный, и человекъ совершенный пребываеши. Мы же, таинству дивѣша, вопиемъ верно: Иисусе, Боже предвѣчный; Иисусе, Царю царствующихъ. Иисусе, Владыко владеющихъ; Иисусе, Судіе живыхъ и мертвыхъ. Иисусе, надеждо ненадеж-

ных; Иисусе, утешение плачущих. Иисусе, славо нищих; Иисусе, не осуди мя по делом моим. Иисусе, очисти мя по милости Твоей; Иисусе, отжені от мене уныние. Иисусе, просвети моя мысли сердечныя; Иисусе, даждь ми память смертную. Иисусе, Сыне Божий, помилуй мя.

#### Кондак 10

Спасти хотя мир, Восточе востоком, к темному, западу, естеству нашему, пришед, смирился еси до смерти; темже превознесся имя Твое паче всякаго ѵмене, и от всех колен небесных и земных слышиши: Аллилуиа.

#### Икос 10

Царю Превечный, Утѣшителю, Христе истинный, очисти ны от всякия скверны, якоже очистил еси десять прокажѣнных; и исцели ны, якоже исцелил еси сребролюбивую душу Закхея мытаря, да вопием Ти, во умиленіи зовуще: Иисусе, сокровище нетленное; Иисусе, богатство неистощимое. Иисусе, пище крепкая; Иисусе, питие неисчерпаемое. Иисусе, нищих одеяние; Иисусе, вдов заступление. Иисусе, сирых защитниче; Иисусе, труждающихся помощи. Иисусе, странных наставниче; Иисусе, плавающих кормчий. Иисусе, бурных отишие; Иисусе Боже, воздвигни мя падшего. Иисусе, Сыне Божий, помилуй мя.

#### Кондак 11

Пение всеумилѣнное приношу Ти недостойный, вопию Ти яко хананеа: Иисусе, помилуй мя; не дщерь бо, но плоть имам страстьми люте бесящуюся и яростию палимую, и исцеление даждь вопиюще Ти: Аллилуиа.

#### Икос 11

Светоподательна светильника сущым во тьме неразумия, прежде гоняй Тя Павел, богоразумнаго гласа силу внушій и душевную быстроту уясни; сие и мене темныя зѣницы душевныя просвети, зовуща: Иисусе, Царю мой прекрепкий; Иисусе, Боже мой пресильный. Иисусе, Господи мой пребезсмертный; Иисусе, Создателю мой преславный. Иисусе, Наставниче мой

предобрый; Иисусе, Пастырю мой прещедрый. Иисусе, Владыко мой премилостивый; Иисусе, Спасе мой премилосердый. Иисусе, просвети моя чувства, потемненные страстьми; Иисусе, исцели мое тело, острупленное грехми. Иисусе, очисти мой ум от помыслов суетных; Иисусе, сохрани сердце мое от похотей лукавых. Иисусе, Сыне Божий, помилуй мя.

#### Кондак 12

Благодать подаждь ми, всех долгов решителю Иисусе, и приими мя кающася, якоже приял еси Петра, отвергшагося Тебе, и призови мя, унывающего, якоже древле Павла, гоняща Тя, и услыши мя вопиюща Ти: Аллилуиа.

#### Икос 12

Поюще Твое вочеловечение, восхваляем Тя вси, и веруем со Фомою, яко Господь и Бог еси, седяя со Отцем, и хотяя судити живым и мертвым. Тогда убо сподоби мя деснаго стояния, вопиющаго: Иисусе, Царю предвечный, помилуй мя; Иисусе, цвёте благовонный, облагоухай мя. Иисусе, теплото любимая, огрей мя; Иисусе, храме предвечный, покрый мя. Иисусе, одеждо светлая, украси мя; Иисусе, бисере честный, осияй мя. Иисусе, каменю драгий, просвети мя; Иисусе, Солнце правды, освети мя, Иисусе, Свете святой, облистай мя; Иисусе, болезни душевныя и телесныя избави мя. Иисусе, из руки сопротивныя изми мя; Иисусе, огня неугасимаго, и прочих вечных мук свободи мя. Иисусе, Сыне Божий, помилуй мя.

#### Кондак 13

О пресладкий и всещедрый Иисусе! Приими ныне малое моление сие наше, якоже приял еси вдовицы две лепте, и сохрани достояние Твое от враг видимых и невидимых, от нашествия иноплеменик, от недуга и глада, от всякия скорби и смертоносныя раны и грядущия изми муки всех, вопиющих Ти: Аллилуиа.

*Этот кондак читается трижды, затем 1-й икос: Ангелов Творче... и 1-й кондак: Возбранный Воеводо...*



**Песнь 7**

*Ирмос:* Образу златому, на поле Дейре служиму; триё Твои отроцы небрегѡша безбожнаго веления: посреде же огня ввѣржени, орошаеми пояху: благословен еси, Боже отец наших.

**Иисусу:**

Христе Иисусе, никтоже согреси на земли от века, о Иисусе мой, якоже согрехи аз, окаянный и блудный. Темже, Иисусе мой, вопию Ти: поюща мя ущѣдри, благословен еси, Боже отец наших.

Христе Иисусе, ко страху Твоему, вопию, пригвозди мя, о Иисусе мой, и окорми ныне ко пристанищу благоотишному, яко да, Иисусе мой щедре, пою Ти спасаемый: благословен еси, Боже отец наших.

Христе Иисусе, тмами обещах Тебе страстный, о Иисусе мой, покаяние, но солгах окаянный. Темже, Иисусе мой, вопию Ти: нечувственне пребывающую душу мою просвети, Христе, отец Боже, благословен еси.

*Богородицен:* Христа Иисуса рождшая странно, и паче естества, Того моли Всенепорочная, яже чрез естество моя прегрешения вся прости ми. Отроковице, да зову спасаемъ: благословена еси, Бога плотию рождшая.

**Богородице:**

Наше спасение якоже восхотел еси, Спасе, устроить, во утробу Девыя вселился еси, Юже миру предстательницу показал еси: отец наших Боже, благословен еси.

Волителя милости, Егоже родила еси, Мати чистая, умоли избавитися от прегрешений и душевных скверн верою зовущим: отец наших Боже, благословен еси.

Сокровище спасения и источник нетления, Тя рождшую, и столп утверждения, и дверь покаяния, зовущим показал еси: отец наших Боже, благословен еси.

Телесныя слабости и душевныя недуги, Богородительнице, любовию приступающих к крову Твоему, Дево, исцелити сподоби, Спаса Христа нам рождающая.

**Ангелу:**

Милостив буди ми и умоли Бога, Господень Ангеле: имею бо тя заступника во всем животе моем, наставника же и хранителя, от Бога дарованнаго ми во веки.

Не остави в путь шествующия души моея окайныя убити разбойником, святой Ангеле, яже ти от Бога предана бысть непорочне; но настави ю на путь покаяния.

Слава: Всю посрамлену душу мою привожду от лукавых ми помысл и дел; но предвари, наставниче мой, и исцеление ми подаждь благих помысл, уклоняти ми ся всегда на правыя стези.

И ныне: Премудрости исполни всех и крепости Божественныя, Ипостасная Премудросте Вышняго, Богородицы ради, верую вопиющих: отец наших Боже, благословен еси.

**Песнь 8**

Ирмос: В пещь огненную ко отроком еврейским снизшедшаго, и пламень в росу преложаго Бога, пойте дела яко Господа, и превозносите во вся веки.

**Иисусу:**

Тя, Иисусе мой, молю: якоже блудницу, Иисусе мой, избавил еси многих согрешений, тако и мене, Иисусе Христе мой, избави, и очисти оскверненную душу мою, Иисусе мой.

Преклонився, Иисусе, безсловесными сладостми, безсловесен явися, и скотом воистинну, о Иисусе мой, страстно окаянный уподобихся, Спасе: темже, Иисусе, безсловесия мя избави.

Впад, о Иисусе, в душетленные разбойники, обнажися одежды, Иисусе мой, боготканныя ныне, и лежу ранами уязвлен: елей, Христе мой, возлей на мя и вино.

*Богородицен:* Иисуса моего и Бога носившая Христа не-сказанно, Богородице Марие, Того моли присно, от бед спастися рабом Твоим, и певцем Твоим, Неискусомужная Дево.

**Богородице:**

Помощи яже от Тебе требующия не презри, Дево, поющия и превозносящия Тя во веки.

Неможение души моея исцеляеши и телесныя болезни, Дево, да Тя прославлю, Чистая, во веки.

Исцелений богатство изливаеши, верно поющим Тя, Дево, и превозносящим неизреченное Твое рождество.

Напастей Ты прилоги отгоняеши, и страстей находы, Дево: темже Тя поем во вся веки.

**Ангелу:**

От Бога посланный, утверди живот мой, раба твоего, преблагий Ангеле, и не остави мене во веки.

Ангела тя суща блага, души моя наставника и хранителя, преблаженне, воспеваю во веки.

Слава: Буди ми покров и забрало, в день испытания всех человек, в оныже огнем искушаются дела благая же и злая.

И ныне: Буди ми Помощница и тишина, Богородице Приснодево, рабу Твоему, и не остави мене лишена быти Твоего владычества.

**Песнь 9**

Ирмос: От Бога Бога Слова, неизреченною мудростию пришедшаго обновити Адама, ядию в тление падшаго люте, от Святѣя Девы неизреченно воплотившагося нас ради, вернии единомудренно песньми величаем.

**Иисусу:**

Манассію, Иисусе мой, мытаря, блудницу, блуднаго, щедре Иисусе, и разбойника преидох, Иисусе мой, в делех студ-



ных и безместных, Иисусе: но Ты, Иисусе мой, предварив мя спаси.

От Адама, Иисусе мой, согрешившия вся, прежде закона и в законе, Иисусе, и по законе, окаянный, и благодати, Иисусе мой, победих страстьми окаянно; но Ты, Иисусе мой, судьбами Твоими спаси мя.

Да не отлучен буду, Иисусе мой, неизреченныя Твоя славы, да не улучу части, Иисусе, шуйя, Сладчайший Иисусе; но Ты мя десным овцам Твоим, Христе Иисусе мой, сочетава упокой, яко Благоутробен.

*Богородицен:* Иисуса, Богородице, Егоже носила еси, единая Неискусомужная Дево Марие, Того, Чистая, умилистави, яко Сына Твоего и Зиждителя, избавити притекающия к Тебе искушений и бед, и огня будущего.

**Богородице:**

Тока слез моих не отвратися, Яже от всякаго лица всяку слезу отъемшаго, Дево, Христа рождающая.

Радости мое сердце исполни, Дево, Яже радости приемшая исполнение, греховную печаль потребляющи.

Пристанище и предстательство к Тебе прибегающих буди, Дево, и стена нерушимая, прибежище же и покров и веселие.

Света Твоего зарями просвети, Дево, мрак неведения отгоняющи, благоверно Богородицу Тя исповедающих.

На месте озлобления немощи смирившагося, Дево, исцели, из нездравия во здравие претворяющи.

**Ангелу:**

Господи Иисусе Христе Боже мой, помилуй мя.

Пощади, Боже, наследие Твое, грехи наша вся презрев ныне, на сие имея молящую Тя, на земли безсѣменно Тебе

рождшую, великия ради милости восхотевшаго вообразиться, Христе, в человечество.

Господи Иисусе Христе Боже мой, помилуй мя.

Помилуй мя, Едине Спасе мой, яко Милостив еси и Милосерд, и праведных ликѡв сотвори мя причастника.

Мыслити ми присно и творити, Господень Ангеле, благая и полезная даруй, яко сильна яви в немощи и непорочна.

Слава: Яко имея дерзновение к Царю Небесному, Того моли и с прочими безплотными, помиловати мя окаяннаго.

И ныне: Много дерзновение имущи, Дево, к Воплощшемуся из Тебе, преложи мя от уз и разрешение ми подаждь и спасение, молитвами Твоими.

*Таже чтем три молитвы сия:*

#### **Молитва ко Господу нашему Иисусу Христу**

Господу помолимся. Господи, помилуй.

Владыко Господи Иисусе Христе Боже наш, Иже неизреченнаго ради Твоего человеколюбія, на конецъ вековъ в плоть оболкыйся от Приснодевы Марии, славим о нас Твое спасительное промысленіе раби Твои, Владыко; песнословим Тя, яко Тебе ради Отца познахом; благословим Тя, Егоже ради и Духъ Святый в миръ внїде, поклоняемся Твоей по плоти Пречистой Матери, таковой страшной тайне послужившей; восхваляем Твоя Ангельская ликостоянія, яко воспеватели и служители Твоего величества; ублажаем Предтечу Іоанна, Тебе крестившаго, Господи; почитаем и провозвестившыхъ Тя пророки, прославляем апостолы Твоя святыхъ; торжествуемъ же и мученики, священники же Твоя славим, и поклоняемся преподобнымъ Твоимъ, и вся Твоя праведники пестуя. Таковаго и толикаго многаго и неизреченнаго лика Божественнаго в молитву приводим Тебе, всецѣдному Богу раби Твои, и сего ради просимъ нашимъ согрѣшеніемъ прощенье, еже даруй намъ всехъ Твоихъ ради святыхъ, изряднее же святыхъ Твоихъ щедротъ, яко благословенъ еси во веки. Аминь.

**Молитва ко Пресвятой Богородице**

Пресвятая Богородице, спаси нас.

Царице моя преблагая, надеждо моя Богородице, приятелище сирых и странных предстательнице, скорбящих радости, обидимых покровительнице! Зриши мою беду, зриши мою скорбь, помози ми яко немощну, окорми мя яко странна. Обиду мою ве́си, разреши ту, яко во́лиши: яко не ймам иныя помощи разве Тебе, ни иныя предстательницы, ни благия утешительницы, токмо Тебе, о Богомати, яко да сохраниши мя и покрыеши во веки веков. Аминь.

**Молитва Ангелу Хранителю**

Святый Ангеле, хранителю мой, моли Бога о мне.

Ангеле Христов святы́й, к тебе припа́дая молюся, хранителю мой святы́й, прида́нный мне на соблюдение души и телу моему грешному от святаго крещения, аз же своею ленностию и своим злым обычаем прогневах твою пречистую светлость и отгнах тя от себе всеми студи́ными де́лы: лжами, клеветами, завистию, осуждением, презорством, непокорством, братоненавидением и злопомнением, сребролюбием, прелюбодеянием, яростию, скупостию, объядением без сытости и опивством, многоглаголением, злыми помысли и лукавыми, гордым обычаем и блудным возбешением, имый самохотение на всякое плотское вожделение. О, злое мое произволение, егоже и ско́ти безсловеснии не творят! Да како возможеши воззрети на мя, или приступити ко мне, аки ко псу смердящему? Которыма о́чима, Ангеле Христов, воззриши на мя, оплетшася зле во гнусных де́лах? Да како уже возмогу отпущения просити горьким и злым моим и лукавым деянием, в няже впадаю по вся дни и но́щи и на всяк час? Но молюся ти припа́дая, хранителю мой святы́й, уми́лосердися на мя грешнаго и недостойнаго раба твоего (*имя*), буди ми помощник и заступник на злаго моего сопротивника, святыми твоими молитвами, и Царствия Божия причастника мя сотвори со всеми святыми, всегда, и ныне, и присно, и во веки веков. Аминь.



*Накануне субботы вместо акафиста Иисусу читается акафист Богородице.*

## АКАФИСТ ПРЕСВЯТОЙ БОГОРОДИЦЕ

### Кондак 1

Взбранной Воеводе победительная, яко избавльшеся от злых, благодарственная восписуем Ти раби Твои, Богородице; но яко имущая державу непобедимую, от всяких нас бед свободи, да зовем Ти: радуйся, Невесто Неневестная.

### Икос 1

Ангел предстатель с небесе послан бысть рещи Богородице: радуйся, и со безплотным гласом воплощаема Тя зря, Господи, ужасашеся и стояше, зовый к Ней таковая: Радуйся, Еюже радость возсияет; радуйся, Еюже клятва исчезнет. Радуйся, падшаго Адама воззвание; радуйся, слез Евиных избавление. Радуйся, высотó, неудобовосходимая человеческими помыслы; радуйся, глубинó неудобозримая и Ангельскими очима. Радуйся, яко еси Царéво седалище; радуйся, яко носиши Носящего вся. Радуйся, Звездó, являющая Солнце; радуйся, утробо Божественнаго воплощения. Радуйся, Еюже обновляется тварь; радуйся, Еюже поклоняемся Творцу. Радуйся, Невесто Неневестная.

### Кондак 2

Видящи Святая Себе в чистоте, глаголет Гавриилу дерзостно: преславное твоего гласа, неудобоприятельно души моей является: Безсеменнаго бо зачатия рождество како глаголеши, зовый: Аллилуиа.

### Икос 2

Разум недоразумеваемый разумети Дева ищущи, возопи к служащему: из боку чисту, Сыну како есть родитися мощно, рцы Ми? К Нейже он рече со страхом, обаче зовый сице: Радуйся, совета неизреченнаго Таиннице; радуйся, молчания просящих веро. Радуйся, чудес Христовых начало; радуйся,

велений Его главизно. Радуйся, лестнице небесная, Еюже сниде Бог; радуйся, мосте, преводяй сущих от земли на небо. Радуйся, Ангелов многословущее чудо; радуйся, бесѡв многоплачевное поражение. Радуйся, Свет неизреченно родившая; радуйся, еже како, ни единого же научившая. Радуйся, премудрых превосходящая разум; радуйся, верных озаряющая смыслы. Радуйся, Невесто Невестная.

#### Кондак 3

Сила Вышняго осени тогда к зачатию Браконеискусную, и благоплодная Тоя ложесна, яко село показа сладкое, всем хотящим жати спасение, всегда пети сице: Аллилуиа.

#### Икос 3

Имуще Богоприятную Дева утробу, востече ко Елисавети: младенец же оная абие познав Сея целование, радовашеся, и играными яко песньми вопияше к Богородице: Радуйся, отрасли неувядаемая розгѡ; радуйся, плода безсмертнаго стяжание. Радуйся, Делателя делающая Человеколюбца; радуйся, Садителя жизни нашае рождшая. Радуйся, ниво, растящая gobзѡвание щедрот; радуйся, трапѣзо, носящая обилие очищения. Радуйся, яко рай пищный процветаеши; радуйся, яко пристанище душам готовиши. Радуйся, приятное молитвы кадило; радуйся, всего мира очищение. Радуйся, Божие к смертным благоволение; радуйся, смертных к Богу дерзновение. Радуйся, Невесто Невестная.

#### Кондак 4

Бурю внутри имея помышлений сумнительных, целомудренный Иосиф смятеся, к Тебе зря небрачней, и бракоокрадованную помышляя, Непорочная; увѣдев же Твое зачатие от Духа Свята, рече: Аллилуиа.

#### Икос 4

Слышаша пастырие Ангелов, поющих плотское Христово пришествие, и текше, яко к Пастырю, видят Сего, яко агнца непорочна, во чреве Маріине упасшася. Юже поюще реша: Радуйся, Агнца и Пастыря Мати; радуйся, дворе словесных

овец. Радуйся, невидимых врагов мучение; радуйся, райских дверей отверзение. Радуйся, яко небесная срадуются земным; радуйся, яко земная сликовствуют небесным. Радуйся, апостолов немолчная уста; радуйся, страстотерпцев непобедимая дерзосте. Радуйся, твердое веры утверждение; радуйся, светлое благодати познание. Радуйся, Еюже обнажися ад; радуйся, Еюже облекохомся славою. Радуйся, Невесто Невестная.

#### Кондак 5

Боготечную звезду узревше волсви, тоя последоваша зари, и яко светильник держаще ю, тою испытаху крепкаго Царя: и достигше Непостижимаго, возрадовашася, Ему вопиюще: Аллилуиа.

#### Икос 5

Видеша отроцы халдейстии на руку Девичу Создавшаго рукама человеки, и Владыку разумевающе Его, аще и рабий прият зрак, потщашася дарми послужити Ему, и возопити Благословенней: Радуйся, Звездѣ незаходимыя Мати; радуйся, заре таинственного дне. Радуйся, прелести пещь угасившая; радуйся, Троицы тайнники просвещающая. Радуйся, учителя безчеловечнаго изметающая от начальства; радуйся, Господа Человеколюбца показавшая Христа. Радуйся, ваварскаго избавляющая служения; радуйся, тимения изымающая дел. Радуйся, огня поклонение угасившая; радуйся, пламене страстей изменяющая. Радуйся, верных наставнице целомудрия; радуйся, всех родов веселие. Радуйся, Невесто, Невестная.

#### Кондак 6

Проповедницы богоноснии бывше волсви, возвратишася в Вавилон, скончавше Твое пророчество, и, проповедавшие Тя Христа всем, оставиша Ирода, яко буетсловяща, не ведуща пети: Аллилуиа.

#### Икос 6

Возсиявый во Египте просвещение истины, отгнал еси лжи тьму: идоли бо его, Спасе, не терпяще Твоея крепости падоб-



ша, сих же избавльшиися вопияху к Богородице: Радуйся, исправление человеков; радуйся, низпадение бесов. Радуйся, прелести державу поправшая; радуйся, идольскую лесть обличившая. Радуйся, море, потопившее фараона мысленного; радуйся, каменю, напоивший жаждущия жизни. Радуйся, огненный столпе, наставляяй сущия во тме; радуйся, покрове миру, ширший облака. Радуйся, пище, манны приемнице; радуйся, сладости святых служительнице. Радуйся, землѣ обетования; радуйся, из неяже течет мед и млеко. Радуйся, Невесто Невестная.

#### Кондак 7

‘Хотящу Симеону от нынешняго века преставитися прелестнаго, вдался еси яко младенец тому, но познался еси ему и Бог совершенный. Темже удивися Твоей неизреченней премудрости, зовый: Аллилуиа.

#### Икос 7

Новую показа тварь, явлься Зиждитель, нам от Него бывшим, из безсѣмнны прозяб утробы, и сохранив Ю, якоже бе, нетленну, да чудо видяще, воспоим Ю, вопиюще: Радуйся, цвете нетления; радуйся, венче воздержания. Радуйся, воскресения образ облистаящая; радуйся, ангельское житіе являющая. Радуйся, древо светлоплодовѣтое, от негоже питаются вернии; радуйся, древо благосеннолиственное, имже покрываются мнози. Радуйся, во чреве носящая Избавителя плененным; радуйся, рождшая Наставника заблудшим. Радуйся, Судии Праведнаго умоление; радуйся, многих согрешений прощение. Радуйся, одеждо нагих дерзновения; радуйся, любви, всякое желание побеждающая. Радуйся, Невесто Невестная.

#### Кондак 8

Странное рождество видевше, устранимся мира, ум на небеса предложше: сего бо ради высокій Бог на землі явился смиренный человек, хотяй привлещи к высоте, Тому вопиющая: Аллилуиа.

## Икос 8

Весь бе в нижних, и вышних никакоже отступи неописанное Слово: снисхождение бо Божественное, не прехождение же местное бысть, и рождество от Девы Богоприятная, слышашая сия: Радуйся, Бога невместимаго вместилище; радуйся, честнаго таинства двери. Радуйся, неверных сумнительное слышание; радуйся, верных известная похвало. Радуйся, колеснице пресвятая Сущаго на Херувимех; радуйся, селение преславное Сущаго на Серафимех. Радуйся, противная в тожде собравшая; радуйся, девство и рождество сочетавшая. Радуйся, Еюже разрешися преступление; радуйся, Еюже отворзися рай. Радуйся, ключу Царствия Христова; радуйся, надеждо благ вечных. Радуйся, Невесто Невестная.

## Кондак 9

Всякое естество Ангельское удивися великому Твоего воцеловечения делу: непоступнаго бо яко Бога, зряще всем приступнаго Человека, нам убо спребывающа, слышаша же от всех: Аллилуа.

## Икос 9

Ветія многовещанная, яко рыбы безгласныя видим о Тебе, Богородице, недоумевают бо глаголати, еже како и Дева пребываеши, и родити възмогла еси. Мы же, таинству дивящися, верно вопием: Радуйся, премудрости Божия приятелище; радуйся, промышления Его сокровище. Радуйся, любовная немудрая являющая; радуйся, хитрословесная безсловесная обличающая. Радуйся, яко обуяша лютии взыскатели; радуйся, яко увядоша баснотворцы. Радуйся, афинеяская плетения растерзающая; радуйся, рыбарския мрежи исполняющая. Радуйся, из глубины неведения извлекающая; радуйся, многи в разуме просвещающая. Радуйся, кораблю хотящих спастися; радуйся, пристанище житейских плаваний. Радуйся, Невесто Невестная.

## Кондак 10

Спасти хотя мир, Иже всех Украситель, к сему самообетован прииде, и Пастырь сый, яко Бог, нас ради явися по нам

человек: подобным бо подобное призвав, яко Бог слышит: Аллилуиа.

#### Икос 10

Стена еси девам, Богородице Дево, и всем к Тебе прибегающим: ибо небесе и земли Творец устрои Тя, Пречистая, вселься во утробе Твоей, и вся приглашати Тебе научив: Радуйся, столпе девства; радуйся, дверь спасения. Радуйся, начальнице мысленного наздания; радуйся, подательнице Божественныя благодати. Радуйся, Ты бо обновила еси зачатия студию; радуйся, Ты бо наказала еси окраденныя умом. Радуйся, тлителя смыслов упражняющая; радуйся, Сеятеля чистоты рождающая. Радуйся, чертоже безсеменного уневещения; радуйся, верных Господеву сочетававшая. Радуйся, добрая младопитательнице девам; радуйся, невестокрасительнице душ святых. Радуйся, Невесто Невестная.

#### Кондак 11

Пение всякое побеждается, спростретися тщащееся ко множеству многих щедрот Твоих: равночисленные бо пески песни аще приносим Ти, Царю Святей, ничтоже совершаем достойно, аже дал еси нам, Тебе вопиющим: Аллилуиа.

#### Икос 11

Светопримьную свещу, сущим во тме являющуюся, зрим Святую Деву, невещественный бо вжигающий огонь, наставляет к разуму Божественному вся, зарю ум просвещающая, званием же почитаемая, сими: Радуйся, луче умнаго Солнца; радуйся, светило незаходящаго Света. Радуйся, молние, души просвещающая; радуйся, яко гром, враги устрашающая. Радуйся, яко многосветлое возсияваещи просвещение; радуйся, яко многотекущую источаещи реку. Радуйся, купели живописующая образ; радуйся, греховную отъемлющая скверну. Радуйся, бане, омывающая совесть; радуйся, чаше, черплющая радость. Радуйся, обоняние Христова благоухания; радуйся, животу тайнаго веселия. Радуйся, Невесто Невестная.



## Кондак 12

Благодать дати восхотев, долгов древних, всех долгов Решитель человеком, прииде Собою ко отшедшим Того благодати, и раздрав рукописание, слышит от всех сице: Аллилуиа.

## Икос 12

Поюще Твое Рождество, хвалим Тя вси, яко одушевленный храм, Богородице: во Твоей бо вселився утробе, содержи вся рукою Господь, освяти, прослави и научи вопити Тебе всех: Радуйся, селение Бога и Слова; радуйся, святая святых большая. Радуйся, ковчеже позлащенный Духом; радуйся, сокровище живота неистощимое. Радуйся, честный венец царей благочестивых; радуйся, честная похвало иереев благоговейных. Радуйся, Церкви непоколебимый столбе; радуйся, царствия нерушимая стена. Радуйся, Еюже воздвижутся победы; радуйся, Еюже низпадают врази. Радуйся, тела моего врачевание; радуйся, души моея спасение. Радуйся, Невесте Невестная.

## Кондак 13

О, всепетая Мати, рождающая всех святых Святейшее Слово! Нынешнее приемши приношение, от всякия избави напасти всех, и будущия изми муки, о Тебе вопиющих: Аллилуиа.

*Этот кондак читается трижды, затем 1-й икос: Ангел предстатель... и 1-й кондак: Вбранной Воеводе...*

## Молитва

О, Пресвятая Дево Мати Господа, Царице Небес и земли! Вонми многоболезненному воздыханию души нашей, призри с высоты святыя Твоя на нас, с верою и любовию покланяющихся пречистому образу Твоему. Се бо грехми погружаемы и скорбми обуреваемы, взирающе на Твой образ, яко живей Ти сущей с нами, приносим смиренные моления наша. Не имамы бо ни иных помощи, ни иного предстательства, ни утешения, токмо Тебе, о, Мати всех скорбящих и обремененных. Помози нам, немощным, утоли скорбь нашу, настави на путь правый нас, заблуждающих, уврачуй и спаси безнадежных, даруй нам прочее время живота нашего в ми-

ре и тишине проводить, подаждь христианскую кончину и на Страшном суде Сына Твоего явися нам, милосердая Заступница, да всегда поем, величаем и славим Тя, яко благую Заступницу рода христианскаго, со всеми угодившими Богу. Аминь.

## ПАМЯТКА КО СВЯТОМУ ПРИЧАЩЕНИЮ

Желающий причаститься должен достойно подготовиться к этому Святому Таинству. Приготовление это (в церковной практике оно называется говением) продолжается несколько дней и касается как телесной, так и духовной жизни человека. Телу предписывается воздержание, то есть телесная чистота и ограничение в пище (пост). В дни поста исключается пища животного происхождения — мясо, молоко, яйца и, при строгом посте, рыба. Хлеб, овощи, фрукты употребляются в умеренном количестве. Ум не должен рассеиваться по мелочам житейским и развлекаться.

В дни говения надлежит посещать богослужение в храме, если позволяют обстоятельства, и более прилежно выполнять домашнее молитвенное правило: кто читает обычно не все утренние и вечерние молитвы, пусть читает все полностью, кто не читает каноны, пусть в эти дни читает хотя бы по одному канону. Накануне причащения надо быть на вечернем богослужении и прочитать дома кроме обычных молитв на сон грядущим, канон Иисусу Сладчайшему, канон Богородице и Ангелу хранителю. Каноны читают или один за другим полностью, или соединяя таким образом, как напечатано в этом молитвослове.

Читается также канон ко причащению и, кто пожелает, — акафист Иисусу Сладчайшему. После полуночи уже не едят и не пьют, ибо принято приступать к Таинству Причащения натощак. Утром прочитываются утренние молитвы и все последование ко Святому Причащению, кроме канона, прочитанного накануне.

Перед причащением необходима исповедь — вечером ли, или утром, перед литургией.



## ПОСЛЕДОВАНИЕ КО СВЯТОМУ ПРИЧАЩЕНИЮ

Молитвами святых отец наших, Господи Иисусе Христе Боже наш, помилуй нас. Аминь.

Царю Небесный... Трисвятое. Пресвятая Троице... Отче наш... Господи, помилуй (12). Приидите, поклонимся... (трижды). *И псалмы:*

### Псалом 22

Господь пасёт мя, и ничтоже мя лишит. На месте злачне, тамо всели мя, на воде покойне воспита мя. Душу мою обрати, настави мя на стези правды, имене ради Своего. Аще бо и пойду посреде сени смертных, не убоюся зла, яко Ты со мною еси, жезл Твой и палица Твоя, та мя утешиста. Уготовал еси предо мною трапезу против стужающим мне; умостил еси елеем главу мою, и чаша Твоя упоивающи мя, яко державна. И милость Твоя поженёт мя вся дни живота моего. и еже вселити ми ся в дом Господень, в долготу дний.

### Псалом 23

Господня земля, и исполнение ея, вселенная и вси живущии на ней. Той на морях основал ю есть, и на реках уготовал ю есть. Кто взыдет на гору Господню? Или кто станет на месте святем Его? Неповинен руками и чист сердцем; иже не



прият всеу душу свою, и не клятсѧ лестию искреннему своему. Сей примет благословение от Господа, и милостыню от Бога, Спаса своего. Сей род ищущих Господа, ищущих лице Бога Иаковля. Возмите вратѧ князи ваша, и возмיתесѧ врата вечная, и внидет Царь славы. Кто есть сей Царь славы? Господь крепок и силен, Господь силен в брани. Возмите врата князи ваша, и возмיתесѧ врата вечная, и внидет Царь славы. Кто есть сей Царь славы? Господь сил, Той есть Царь славы.

#### Псалом 115

Вѣровах, темже возглаголах, аз же смирихся зело. Аз же рех во изступлении моем: всяк человек ложь. Что воздам Господеву о всех, яже воздаде ми? Чащу спасения приму, и имя Господне призову, молитвы моя Господеву воздам пред всеми людьми Его. Честна пред Господом смерть преподобных Его. О, Господи, аз раб Твой, аз раб Твой и сын рабыни Твоей; растерзал еси узы моя. Тебе пожру жертву хвалы, и во имя Господне призову. Молитвы моя Господеву воздам пред всеми людьми Его, во двѣрех дому Господня, посреде тебе, Иерусалиме.

Слава, и ныне: Аллилуиа (трижды). И три поклона.

#### Тропари, глас 8-й

Беззакония моя прѣзри, Господи, от Девы рождѣйся, и сердце мое очисти, храм то творя пречистому Твоему Телу и Крови, ниже отрини мене от Твоего лица, без числа имеяй велию милость.

Слава: Во причастие святынь Твоих како дерзну (вниду), недостойный? Аще бо дерзну к Тебе приступити с достойными, хитон мя обличает, яко несть вечерний, и осуждение исходатайствую многогрешной души моей. Очисти, Господи, скверну душѧ моей, и спаси мя, яко Человеколюбец.

И ныне: Многая множества моих, Богородице, прегрешений, к Тебе прибегах, Чистая, спасения требуя: посети немощствующую мою душу, и моли Сына Твоего и Бога нашего, дати ми оставление, яже содеях лютых, Едина благословенная.

[Во святую же Четыредесятницу:

Егда славнии ученицы на умовении вѣчери просвѣщахуся, тогда Иуда злочестивый сребролюбием недѣговав омрачашеся, и беззаконным судиям Тебе праведнаго Судию предает. Вижь, имений рачителю, сих ради удавлѣние употребивша: бежи насытыя души, Учителю таковая дерзнувшия. Иже о всех благий Господи, слава Тебе.]

Псалом 50: Помилуй мя, Боже... (стр. 8).

Канон, глас 2-й

Песнь 1

Грядите людие, поим песнь Христу Богу, раздельшему море, и наставлявшему люди, яже изведе из работы египетския, яко прославися.

Припев: Сердце чисто созижди во мнѣ, Боже, и дух прав обнови во утробѣ моей.

Хлеб живота вѣчнующаго да будет ми Тело Твое Святое, благоутробне Господи, и Честная Кровь, и недѣг многообразных исцеление.

Припев: Не отвѣржи мене от лица Твоего, и Духа Твоего Святаго не отыми от мене.

Оскверненіи делы безмѣстными окаанный, Твоего Пречистаго Тѣла и Божественныя Крове недостойн есмь, Христе, причащения, егоже мя сподоби.

Припев: Пресвятая Богородице, спаси нас.

Богородицѣ: Землѣ благая, благословенная Богоневесто, клас прозябшая неоранный и спасительный миру, сподоби мя сей ядуща спастися.

Песнь 3

На камени мя веры утвердив, расширил еси уста моя на враги моя. Возвесели бо ся дух мой, внемга гети: несть свят, якоже Бог наш, и несть праведен паче Тебе, Господи.

Слёзные ми подаждь, Христе, капли, скверну сердца моего очищающая: яко да благою совестию очищён, верою приихожду, и страхом, Владыко, ко причащению Божественных даров Твоих.

Во оставление да будет ми прегрешений Пречистое Тело Твое, и Божественная Кровь, Духа же Святаго общение, и в жизнь вечную, Человеколюбче, и страстей и скорбей отчуждение.

*Богородицен:* Хлеба животнаго Трапéза Пресвятая, свыше милости ради сшедшаго, и мiрови новый живот дающаго, и мене ныне сподоби недостойнаго, со страхом вкусити сего, и живу быти.

#### Песнь 4

Пришел еси от Девы, не ходатай, ни Ангел, но Сам, Господи, воплощся, и спасл еси всего мя человека. Тем зову Ти: слава силе Твоей, Господи.

Восхотел еси, нас ради воплощся, Многомилостиве, заклан быти яко овча, грех ради человеческих: темже молю Тя, и моя очисти согрешения.

Исцели души моей язвы, Господи, и всего освяти: и сподоби, Владыко, яко да причащуся тайныя Твоя Божественныя вéчери, окаинный.

*Богородицен:* Умíлостиви и мене Сущаго от утробы Твоя, Владычице, и соблюди мя нескверна раба Твоего и непорочна, яко да приём умнаго бисера, освящуся.

#### Песнь 5

Света подателю и веков Творче, Гоподи, во свете Твоих повелений настави нас; разве бо Тебе иного бога не знаем.

Якоже предрёкл еси, Христе, да будет убо худому рабу Твоему, и во мне пребуди, якоже обещался еси: се бо Тело Твое ям Божественное, и пию Кровь Твою.



Слове Божий и Боже, угль Тела Твоего да будет мне помраченному в просвещение, и очищение оскверненной души моей Кровь Твоя.

*Богородицен:* Марие, Мати Божия, благоухания честное селение, Твоими молитвами сосуд мя избранный соделай, яко да освящений причащуся Сына Твоего.

#### Песнь 6

В бездне греховней ваяяся, неизследную милосердия Твоего призываю бездну: от тли, Боже, мя возведи.

Ум, душу и сердце освяти, Спасе, и тело мое, и сподоби неосужденно, Владыко, к страшным Тайнам приступити.

Да бых устранился от страстей, и Твоея благодати имел бы приложение, живота же утверждение, причащением Святых, Христе, Таин Твоих.

*Богородицен:* Божие, Боже, Слово Святое, всего мя освяти, ныне приходящаго к Божественным Твоим Тайнам, Святая Матере Твоея мольбами.

#### Кондак, глас 2-й

Хлеб, Христе, взяти не презри мя, Тело Твое, и Божественную Твою ныне Кровь, пречистых, Владыко, и страшных Твоих Таин причастится окаяннаго, да не будет ми в суд, да будет же ми в живот вечный и бессмертный.

#### Песнь 7

Телу златому премудрыя дети не послужыша, и в пламень сами поидоша, и боги их обругаша, среди пламене возопиша, и ороси я Ангел: услышася уже уст ваших молитва.

Источник благих, причащение, Христе, бессмертных Твоих ныне Таинств да будет ми свет, и живот, и безстрастие, и к преспеянию же и умножению добродетели Божественнейшия ходатайственно, едине Блаже, яко да славлю Тя.

Да избавлюся от страстей, и врагов, и нѹжды, и всякия скорби, трепетом и любовию со благоговением, Человеколюбче, приступай ныне к Твоим безсмертным и Божественным Тайнам, и пети Тебе сподоби: благословен еси, Господи, Боже отец наших.

*Богородицен:* Спаса Христа рождшая паче ума, Богоблагодатная, молю Тя ныне, раб Твой, Чистую нечистый: хотящаго мя ныне к пречистым Тайнам приступити, очисти всего от скверны плоти и духа.

### Песнь 8

В пещь огненную ко отрокомъ еврейскимъ снизшедшаго, и пламеньъ в рбсу предложшаго Бога, пойте дела яко Господа, и превозносите во вся веки.

Небесных, и страшных, и святых Твоих, Христе, ныне Таин, и Божественных Твоя и тайныя вѣчери общника быти и мене сподоби отчаяннаго, Боже Спáсе мой.

Под Твое прибѣгъ благоутробие, Блаже, со страхом зову Ти: во мне пребуди, Спасе, и аз, якоже рекл еси, в Тебе; се бо дерзая на милость Твою, ям Тело Твое, и пию Кровь Твою.

Припев: Пресвятая Троице, Боже наш, слава Тебе.

*Троицен:* Трепѣшу, приѣмля огонь, да не опалюся яко воск и яко трава; ѡле страшнаго таинства! ѡле благоутробия Божия! Како Божественнаго Тела и Крѡве брѣние причащаюся, и нетлѣнен сотворяюся?

### Песнь 9

Безначальна Родителя Сын, Бог и Господь, воплощься от Девы нам явися, омрачѣнна просвети, собрати расточѣнная: тем всепѣтую Богородицу величаем.

Христосъ есть, вкусите и видите: Господь нас ради, по намъ бо дрѣвле бывый, единою Себе принес, яко приношение Отцу Своему, присно закалается, освящаяй причащающияся.

Душею и телом да освящуся, Владыко, да просвещуся, да спасуся, да буду дом Твой причащением священных Таин, живущаго Тя имея в себе со Отцем и Духом, Благодетелю Многомилостиве.

Якоже огонь да будет ми, и яко свет, Тело Твое и Кровь, Спасе мой, пречестная, опаляя греховное вещество, сжигая же страстей терние, и всего мя просвещая, поклоняйся Божеству Твоему.

*Богородицен:* Бог воплотися от чистых кровей Твоих; тем же всякий род поет Тя, Владычице, умная же множества славят, яко Тобою яве узрѣша всеми Владычествующаго, осуществовавшагося человечеством.

Достойно есть.... Трисвятое. Пресвятая Троице... Отче наш... *Тропарь дня, или праздника. Если неделя, тропарь воскресный по гласу. Если же нет, настоящие тропари, глас 6-й:*

Помилуй нас, Господи, помилуй нас; всякаго бо ответа недоумѣюще, сию Ти молитву, яко Владыче, грешнии приносим: помилуй нас.

Слава: Господи, помилуй нас, на Тя бо уповахом; не прогневайся на ны зело, ниже помяни беззаконий наших, но призри и ныне яко благоутробен, и избави ны от враг наших. Ты бо еси Бог наш, и мы людие Твои, вси дела руку Твоею, и имя Твое призываем.

И ныне: Милосердїя двери отвѣрзи нам, благословенная Богородице, надѣющинся на Тя да не погибнем, но да избавимся Тобою от бед: Ты бо еси спасение рода христианскаго. Господи, помилуй (40). *И поклоны, сколько хочешь.*

#### И стихи:

Хотя ясти, человеце, Тело Владычне,  
Страхом приступи, да не опалишися: огонь бо есть.

Божественную же пий Кровь ко общению,  
Первее примирися тя опечалившим.

Таже дерзая, таинственное брашно яждь.



Прежде причастия страшныя жертвы,  
Животворящаго Тела Владычня,  
Сим помолися образом со трепетом:

Молитва Василия Великого, 1-я

Владыко Господи Иисусе Христе, Боже наш, источниче жизни и безсмертия, всея твари видимыя и невидимыя Содетелю, безначальнаго Отца соприисносущный Сыне и собезначальный, премногия ради благодати в послѣднія дни в плоть оболкийся, и распныйся, и погребыйся за ны неблагодарныя и злонаправныя, и Твоею кровию обновивый растлевшее грехом естество наше, Сам, Безсмертный Царю, прими и мое грешнаго покаяние, и приклони ухо Твое мне, и услыши глаголы моя. Согреших бо, Господи, согреших на небо и пред Тобою, и несмь достоин воззрети на высоту славы Твоея: прогневах бо Твою благодать, Твоя заповѣди преступивъ, и не послушавъ Твоихъ повелѣний. Но Ты, Господи, незлѣбивъ сый, долготерпѣливъ же и многомилостивъ, не предал еси мя погибнути со беззаконными моими, моего всячески ожидая обращения. Ты бо рекл еси, Человеколюбче, пророкомъ Твоимъ: яко хотѣниемъ не хочу смерти грешника, но еже обратитися и живу быти ему. Не хочещи бо, Владыко, создания Твоею руку погубити, ниже благоволиши о погибели человечестей, но хочещи всемъ спастися, и в разум истины приити. Темже и азъ, еще и недостойнъ есмь небесъ и земли, и сея привременныя жизни, всего себе повинувъ греху, и сластѣмъ порабѣтивъ, и Твой осквернивъ образъ: но творение и создание Твое бывъ, не отчаяваю своего спасения окаянный, на Твое же безмерное благоутробие дерзая, прихожду. Прими убо и мене, Человеколюбче Господи, якоже блудницу, яко разбойника, яко мытаря и яко блуднаго, и возьми мое тяжкое бремя греховъ, грехъ взѣмляй мира, и немощи человеческия исцеляяй, труждающихся и обремененныхъ к Себе призываяй и упокоеваяй, не пришедый призвати праведныхъ, но грешныхъ на покаяние. И очисти мя от всякия скверны плоти и духа, и научи мя совершати святыню во страхе Твоемъ: яко да чистымъ свѣденіемъ совести моея, святынь, Твоихъ часть приемля, соединюся святому Телу Твоему и Крови, и имѣю Тебе во мнѣ живуща и пребывающа, со Отцемъ, и Святымъ Твоимъ Духомъ. Ей, Господи Иисусе Христе, Боже мой, и да не в судъ ми будетъ причастіе

пречистых и животворящих Таин Твоих, ниже да немощен буду душею же и телом, от еже недостойне тем причащаться, но даждь ми, даже до конечнаго моего издыхания, неосужденно восприимати часть святынь Твоих, в Духа Святаго общение, в напутіе живота вечнаго, и во благоприятен ответ на страшнем судищи Твоем: яко да и аз со всеми избранными Твоими общник буду нетленных Твоих благ, яже уготовал еси любящим Тя, Господи, в нихже препрославлен еси во веки. Аминь.

Молитва святого Иоанна Златоустого, 2-я

Господи Боже мой, вем, яко несмь достоин, ниже доволен, да под кров внидеши храма души моея, занеже весь пуст и пался есть, и не имаша во мне места достойна еже главу подклонити; но якоже с вышоты нас ради смирил еси Себѣ, смирися и ныне смиренію моему; и якоже восприѣл еси в вертепе и в яслех безсловесных возлещи, сие восприими и в яслех безсловесныя моя души, и во оскверненное мое тело вни. И якоже не неудостоил еси вни, и свечерѣти со грешники в дому Симона прокаженного, тако изволи вни и в дом смиренныя моя души, прокаженныя и грешныя; и якоже не отринул еси подобную мне блудницу и грешную, пришедшую и прикоснувшуюся Тебе, сие умилисердися и о мнѣ грешнем, приходящем и прикасающем Ти ся; и якоже не возгнушался еси скверных ея уст и нечистых, целующих Тя, ниже моих возгнушайся скверных онѣх уст и нечистых, ниже мерзких моих и нечистых устен, и сквернаго и нечистейшаго моего языка. Но да будет ми угль пресвятаго Твоего Тѣла, и честныя Твоея Крове, во освящение и просвещение и здравіе смиренней моей души и телу, во облегчение тяжестей многих моих согрешений, в соблюдение от всякаго диавольскаго дѣяства, во отгнание и возбраніе злаго моего и лукаваго обычая, во умерщвление страстей, в снабденіе заповѣдей Твоих, в приложіе Божественныя Твоея благодати, и Твоего Царствія присвоеніе. Не бо яко презираяи приходяду к Тебѣ, Христе Боже, но яко дерзая на неизреченную Твою благодать, и да не на мнозе удаляяися общенія Твоего, от мысленнаго волка звероуловлен буду. Темже молюся Тебѣ: яко един сый Свят, Владыко, освяти мою душу и тело, ум и сердце, чревеса и утробы, и всего мя обнови, и вкорени страх

Твой во удесѣх моих, и освящение Твое неотѣмлемо от мене сотвори; и буди ми помощник и заступник, окормляя в мире живот мой, сподобляя мя и одесную Тебе предстояннѣя со святыми Твоими, молитвами и молениями Пречистыя Твоея Матере, невещественных Твоихъ служителей и пречистыхъ сил, и всехъ святыхъ, от века Тебе благоугодившихъ. Аминь.

#### Молитва Симеона Метафраста, 3-я

Едине чистый и нетленный Господи, за неизреченную милость человеколюбія наше все восприимый смещение, от чистыхъ и девственныхъ кровей паче естества Родившій Тя, Духа Божественнаго насшествіемъ, и благоволеніемъ Отца присносущнаго; Христе Иисусе, премудросте Божіа, и мире, и сіло; Твоимъ воспріятіемъ животворящая и спасительная страдания восприимый, крестъ, гвоздѣя, копіе, смерть, умертвѣи моя душещелкательныя страсти телесныя. Погребеніемъ Твоимъ адова пленимый царствія, погребѣи моя благами помысли лукавая совѣтованія, и лукавствія дѣху разори. Трѣдневнымъ Твоимъ и живоноснымъ воскресеніемъ падшаго прѣотца возставивый, возстави мя грехомъ поползшагося, образы мне покаянія предлагаая. Преславнымъ Твоимъ вознесеніемъ плотское обоживый воспріятіе, и сіе деснымъ Отца седеніемъ почтѣи, сподоби мя причастіемъ святыхъ Твоихъ Таинъ десную часть спасаемыхъ получитьи. Снѣтїемъ Утѣшителя Твоего Духа сосуды честны священныя Твоя ученики соделавый, пріятельище и мене покажи Того прішествія. Хотяи паки пріити судити вселенней правдою, благоволи и мене усрести Тя на облацехъ, Судію и Создателя моего, со всеми святыми Твоими: да безконечно славословлю и воспеваю Тя, со безначальнымъ Твоимъ Отцемъ, и Пресвятымъ и благимъ и Животворящимъ Твоимъ Духомъ, нынѣ и присно, и во веки вековъ. Аминь.

#### Молитва святаго Іоанна Дамаскина, 4-я

Владыко Господи Иисусе Христе, Боже нашъ, едине имей власть человекомъ оставляти грехи, яко благъ и Человеколюбецъ прѣзри моя вся вѣдѣніи и не вѣдѣніи прегрешенія, и сподоби мя неосужденно причаститися Божественныхъ, и преславныхъ, и пречистыхъ, и животворящихъ Твоихъ Таинъ, не вѣ тяжесть, ни вѣ муку, ни вѣ приложенье греховъ, но во очищенье, и освя-



щение, и обручение будущаго живота и царствия, в стену и помощь, и в возражение сопротивных, во истребление многих моих согрешений. Ты бо еси Бог милости, и щедрот, и чело-веколюбія, и Тебе славу возсылаем, со Отцем, и Святым Духом, ныне и присно, и во веки веков. Аминь.

**Молитва св. Василія Великого, 5-я**

Вем, Господи, яко недостойне причащаюся пречистаго Твоего Тѣла и честныя Твоя Крѣве, и повинен есмь, и суд себѣ ям и пію, не разсуждая Тѣла и Крове Тебе Христа и Бога моего, но на щедроты Твоя дерзая прихожду к Тебе рекшему: ядѣй Мою плоть, и пей Мою кровь, во Мнѣ пребывает, и Аз в нем. Умилосердися убо, Господи, и не обличи мя грешнаго, но сотвори со мною по милости Твоей; и да будут ми святая сія во исцеление, и очищение, и просвещение, и сохранение, и спасение, и во освящение душѣ и тѣла; во отгнаніе всякаго мечтания, и лукаваго дѣянія, и дѣйства диавольскаго, мысленіе во уdesѣх моих дѣйствуемаго, в дерзновеніе и любовь, яже к Тебѣ; во исправленіе житія и утвержденіе, в возвращеніе добродетели и совершенства; во исполненіе заповѣдей, в Духа Святаго общеніе, в напутіе живота вечнаго, во отвѣтъ благопріятен на страшнем судищи Твоем: не в суд или во осужденіе.

**Молитва св. Симеона Нового Богослова, 6-я**

От скверных устѣн, от мерзкаго сердца, от нечистаго языка, от души осквернёны, приими моленіе, Христе мой, и не презри моих ни словес, ниже образѣв, ниже безстудія. Дажь ми дерзновенно глаголати, яже хоцѣу, Христе мой, паче же и научи мя, что ми подобает творити и глаголати. Согрѣших паче блудницы, яже увѣде, где обитаеши, миро купивши, прииде дерзостне помазати Твои нозе, Бога моего, Владыки и Христа моего. Якоже о́ну не отринул еси пришедшую от сердца, ниже мене возгнушайся, Слове; Твои же ми подаждь нозе, и держати и целовати, и струями слезными, яко многоценным миром, сія дерзостно помазати. Омый мя слезами моими, очисти мя ими, Слове. Остави и прегрѣшенія моя, и прощеніе ми подаждь. Веси зол множество, веси и струпы моя, и язвы зриши моя, но и веру веси, и произволеніе зриши, и воз-



дыхание слышиши. Не таится Тебе, Боже мой, Творче мой, Избавителю мой, ниже капля слезная, ниже капли часть некая. Несоделанное мое видесте очи Твои, в книзе же Твоей и еще несодеянная написана Тебе суть. Виждь смирение мое, виждь труд мой ели́к, и грехи вся остави ми, Боже всяческих: да чистым сердцем, притрепетною мыслию, и душею сокрушенною, нескверных Твоих причащуся и пресвятых Таин, имиже оживляется и обожается всяк ядый же и пий́й чистым сердцем; Ты бо рекл еси, Владыко мой: всяк ядый Мою Плоть, и пий́й Мою Кровь, во Мне убо сей пребывает, в нем же и Аз есмь. Истинно слово всяко Владыки и Бога моего: божественных бо причащаяся и боготворящих благодатей, не убо есмь един, но с Тобою, Христе мой, Светом трисолнечным, просвещающим мир. Да убо не един пребуду кроме Тебе Живодавца, дыхания моего, живота моего, радования моего, спасения миру. Сего ради к Тебе приступих, якоже зриши, со слезами, и душею сокрушенною, избавления моих прегрешений прошу́ прияти ми, и Твоих живодательных и непорочных Таинств причаститися неосужденно, да пребудеши, якоже рекл еси, со мною треокайным: да не кроме обрёт мя Твоя благодати, прелёстник восхитит мя лъстивне, и прельстив отведёт боготворящих Твоих словес. Сего ради к Тебе припадаю, и тепле вопию Ти: якоже блуднаго приял еси, и блудницу пришедшую, тако приими мя блуднаго и сквернаго, Щедре. Душею сокрушенною, ныне бо к Тебе приходя, вем, Спасе, яко иный, якоже аз, не прегрешу Тебе, ниже содея деяния, яже аз содеях. Но сие паки вем, яко не величество прегрешений, ни грехов множество превосходит Бога моего многое долготерпение и человеколюбие крайнее; но милостию сострастия тёпле кающихся, и чистиши, и светиши, и света твориши причастники, общники Божества Твоего соделоваяя независтно, и странное и Ангелом, и человеческим мыслем, беседуеши им многажды, якоже другом Твоим истинным. Сия дерзостна творят мя, сия вперяют мя, Христе мой. И дерзая Твоим богатым к нам благодеянием, радуясь вкупе и трепеща, огневи причащаюся трава сый, и странно чудо, орошаемь неопально, якоже убо купина́ древле неопальне горящи. Ныне благодарною мыслию, благодарным же сердцем, благодарным удесы моими, души́ и тела моего, поклоняюся и величаю, и славословлю Тя, Боже мой, яко благословенна суща, ныне же и во веки.

## Молитва св. Иоанна Златоустого, 7-я

Боже, ослаби, остави, прости ми согрешения моя, елика Ты согреших, аще словом, аще делом, аще помышлѣнием, волею или неволею, разумом или неразумием, вся ми прости яко благ и Человеколюбец, и молитвами Пречистыя Твоея Матере, умныхъ Твоихъ служителей и святыхъ сил, и всехъ святыхъ отъ века Тебе благоугодившихъ, неосужденно благоволи прияти ми святое и пречистое Твое Тѣло и честную Кровь, во исцеление душъ же и тѣла, и во очищение лукавыхъ моихъ помышлений. Яко Твое есть царство и сила и слава, со Отцемъ и Святымъ Духомъ, ныне и присно, и во веки вековъ. Аминь.

## Его же, 8-я

Несмь доволен, Владыко Господи, да внидеши подъ кровъ душъ моя; но понѣже хочещи Ты, яко Человеколюбецъ, жити во мнѣ, дерзая приступаю; повелеваещи, да отверзу двери, яже Ты единъ создадъ еси, и внидеши со человеколюбіемъ якоже еси, внидеши и просвѣщаещи помраченный мой помыслъ. Верую, яко сие сотвориши: не бо блудницу, со слезами пришедшую къ Тебѣ, отгналъ еси; ниже мытаря отвергъ еси покаявшася; ниже разбойника, познавша Царство Твое, отгналъ еси; ниже гонителя покаявшася оставилъ еси, еже бе: но отъ покаянія Тебѣ пришедшия вся, въ лице Твоихъ друзей вчинилъ еси, Единъ сый благословенный всегда, ныне и въ безконечныя веки. Аминь.

## Его же, 9-я

Господи Иисусе Христе, Боже мой, ослаби, остави, очисти и прости ми грешному, и непотребному, и недостойному рабу Твоему, прегрешения, и согрешения, и грехопадения моя, елика Ты отъ юности моя, даже до настоящаго дне и часа согрешихъ: аще въ разумѣ и въ неразуміи, аще въ словесахъ или дѣлахъ, или промыслениихъ и мыслехъ, и начинаниихъ, и всехъ моихъ чувствахъ. И молитвами безсѣменно рождшия Тя, Пречистыя и Приснодевы Марии, Матери Твоея, единныя непостыдная надежды и предстательства и спасенія моего, сподоби мя неосужденно причаститися пречистыхъ; безсмертныхъ, животворящихъ и страшныхъ Твоихъ таинствъ, во оставленіе греховъ и въ жизнь вечную: во освященіе и просвѣщеніе, крепость, исце-

ление, и здравие душъ же и тела, и в потребление и всесовершенное погубление лукавых моих помыслов, и помышлений, и предприятий, и нощных мечтаний, темных и лукавых духовъ; яко Твое есть царство, и сила, и слава, и честь, и поклонение, со Отцем и Святым Твоим Духом, ныне и присно, и во веки веков. Аминь.

**Молитва св. Иоанна Дамаскина, 10-я**

Пред двѣрьми храма Твоего предстою, и лютых помышлений не отступаю; но Ты, Христе Боже, мытаря оправдывый, и хананѣю помилловавый, и разбойнику рая двери отверзый, отверзи ми утробы человеколюбія Твоего, и прими мя приходяща и прикасающася Тебе, яко блудницу, и кровоточивую: оѡа убо краѣ ризы Твоея коснувшись, удобъ исцеление пріят, оѡа же пречистей Твои нѡзе удержавши, разрешение грехов понесѣ. Аз же, окаянный, все Твое Тѣло дерзая воспріяти, да не опалѣн буду; но прими мя, якоже о́ныя, и просвети моя душевныя чувства, попаляя моя греховныя вины, молитвами безсѣменно Рождшия Тя, и небесных сил; яко благословен еси во веки веков. Аминь.

**Молитва св. Иоанна Златоустого**

Верю, Господи, и исповедую, яко Ты еси воистинну Христос, Сын Бога живаго, пришедый в мир грѣшныя спасти, от нихже первый есмь аз. Еще верую, яко сие есть самое пречистое Тѣло Твое, и сія есть самая честная Кровь Твоя. Молюся убо Тебе: помилуй мя, и прости ми прегрѣшения моя, вольная и невольная, яже словом, яже делом, яже ведением и неведением, и сподоби мя неосужденно причаститися пречистых Твоих Таинств, во оставление грехов, и в жизнь вечную. Аминь.

*Приходя же причаститься, произноси мысленно эти стихи Метафраста:*

Се приступаю к Божественному Причащению.

Содѣтелю, да не опалиши мя приобщением:

Огнь бо еси, недостойныя попаляй.

Но убо очисти мя от всякия скверны.

## Затем

Вѣчери Твоея тайныя днесь, Сыне Божий, причастника мя приими; не бо врагом Твоим тайну повѣм, ни лобзания Ти дам, яко Иуда, но яко разбойник исповѣдаю Тя: помяни мя, Господи, во Царствии Твоем.

## И стихи:

Боготворящую Кровь ужаснися, человече, зря:  
Огнь бо есть, недостойныя поपालяй.  
Божественное Тело и обожает мя и питает:  
Обожает дух, ум же питает странно.

## Потом тропари:

Услади́л мя еси любовию, Христе, и изменил мя еси Божественным Твоим раче́нием; но попали́ огнѣм невещественным грехи моя, и насытитися еже в Тебе наслаждения сподоби: да ликуя возвеличаю, Блаже; два пришествія Твоя.

Во свѣтлостех Святых Твоих како вни́ду, недостойный? Аще бо дерзну́ совнѣти в черто́г, одежда мя обличает, яко несть бра́чна, и связан извѣржен буду от Ангелов. Очисти, Господи, скверну ду́шї моея, и спаси мя, яко Чело́веколюбец.

## Также молитву:

Владыко Чело́веколюбче, Господи Иисусе Христе Боже мой, да не в суд ми будут Свя́тая сия, за еже недостойну ми быти: но во очище́ние и освяще́ние ду́шї же и тела, и во обруче́ние будущія жизни и царствія. Мне же, еже прилепля́тися Богу, благо есть, полагати во Господе упова́ние спасе́нія моего.

## И еще:

Вечери Твоея тайныя днесь...



## БЛАГОДАРСТВЕННЫЕ МОЛИТВЫ ПО СВЯТОМ ПРИЧАЩЕНИИ

Слава Тебе, Боже. Слава Тебе, Боже. Слава Тебе, Боже.

### Благодарственная молитва, 1-я

Благодарю Тя, Господи Боже мой, яко не отринул мя еси грешнаго, но общника мя быти святынь Твоих сподобил еси. Благодарю Тя, яко мене недостойнаго причаститися пречистых Твоих и небесных даров сподобил еси. Но Владыко Человеколюбче, нас ради умерый же и воскресый, и даровавый нам страшная сия и животворящая Таинства, во благодеяние и освящение душ и телес наших, даждь быти сим и мне во исцеление душ же и тела, во отгнание всякаго сопротивнаго, в просвещение очию сердца моего, в мир душевных моих сил, в веру непостыдну, в любовь нелицемерну, во исполнение премудрости, в соблюдение заповедей Твоих, в приложение Божественныя Твоея благодати, и Твоего Царствия присвоение: да во святыни Твоей теми сохраняемь, Твою благодать поминаю всегда, и не ктому себе живу, но Тебе нашему Владыце и Благодетелю; и тако сего жития изшед о надежди живот вечнаго, в присносушный достигну покой, идеже празднующих глас непрестанный, и безконечная сладость, зрящих Твоего лица доброту неизреченную. Ты бо еси истинное желание, и неизреченное веселие любящих Тя, Христе Боже наш, и Тя поет вся тварь во веки. Аминь.

### Молитва святого Василия Великого, 2-я

Владыко Христе Боже, Царю веков и Содетелю всех, благодарю Тя о всех, яже ми еси подал благих, и о причащении пречистых и животворящих Твоих Таинств. Молю убо Тя, Благже и Человеколюбче: сохрани мя под кровом Твоим, и в сени крилу Твоею; и даруй ми чистою совестию, даже до последнего моего издыхания, достойно причащаться святынь Твоих, во оставление грехов и в жизнь вечную. Ты бо еси хлеб животный, источник святыни, Податель благих, и Тебе славу возсылаем, со Отцем и Святым Духом, ныне и присно, и во веки веков. Аминь.

## Молитва Симеона Метафраста, 3-я

Давый пищу мне плоть Твою волею, огонь сый и опаляй недостойныя, да не опалиши мене. Содетелю мой; паче же пройди во úды моя, во вся составы, во утробу, в сердце. Попали терние всех моих прегрешений. Душу очисти, освяти помышления. Составы утверди с костмй вкупѣ. Чувств просвети простую пятерицу. Всего мя спривозий страху Твоему. Присно покрый, соблюди же, и сохрани мя от всякаго дела и слова душетленнаго. Очисти, и омой, и украси мя, удобри, вразуми, и просвети мя. Покажи мя Твое селение единого Духа, и не ктому селение греха. Да яко Твоего дому входом причащения, яко огня мене бежит всяк злодей, всяка страсть. Молитвенники Тебе приношу вся святые, чиноначалия же бесплотных, Предтечу Твоего, премудрыя апостолы, к сим же Твою нескверную чистую Матерь, ихже мольбы, Благоутробие, прими, Христе мой, и сыном света соделай Твоего служителя. Ты бо еси освящение и единый наших, Блаже, душ и светлость; и Тебе лепоподобно, яко Богу и Владыце, славу вси возсылаем на всяк день.

## Молитва 4-я

Тело Твое святое, Господи Иисусе Христе Боже наш, да будет ми в живот вечный, и Кровь Твоя честная во оставление грехов; буди же ми благодарение сие в радость, здравие и веселие; в страшное же и второе пришествие Твое сподоби мя грешнаго стати одесную славы Твоея, молитвами Пречистыя Твоея Матере, и всех святых.

## Молитва 5-я, ко Пресвятой Богородице

Пресвятая Владычице Богородице, свете помраченныя моея души, надеждо, покрове, прибежище, утешение, радование мое, благодарю Тя, яко сподобила мя еси, недостойнаго, причастника быти пречистаго Тела и честнаго Крове Сына Твоего. Но рождающая истинный Свет, просвети моя умныя очи сердца; Яже источник безсмертия рождающая, оживотвори мя умерщвленнаго грехом; Яже милостиваго Бога любоблагоутробная Мати, помилуй мя, и даждь ми умиление, и сокрушение в сердце моем, и смирение в мыслях моих, и воззвание в пленениях моих; и сподоби мя, до последнего издыхания,

неосужденно приимати пречистых Таин освящение, во исцеление души же и тела. И подаждь ми слёзы покаяния и исповедания, во еже пети и славить Тя во вся дни живота моего, яко благословенна и препрославленна еси во веки. Аминь.

Ныне отпущаеши раба Твоего, Владыко, по глаголу Твоему с миром: яко видеста очи мои спасение Твое, еже еси уготовал пред лицом всех людей, свет во откровение языков и славу людей Твоих Израиля.

Трисвятое. Пресвятая Троице... Отче наш...

Тропарь святому Иоанну Златоустому, глас 8-й:

Уст твоих, якоже светлость очей, вознавши благодать, вселенную просвети: не сребролюбия мнѣмъ сокровища снискѣ, высоту намъ смиренномуудрѣя показа, во твоими словесѣи наказуя, отче Иоанне Златоусте, моли Слова Христа Бога спастися душѣмъ нашимъ.

Кондак, глас 6-й

Слава: От небес приял еси Божественную благодать, и твоими устнами вся учши поклонятися в Троице Единому Богу, Иоанне Златоусте всеблаженне, преподобне, достойно хвалим тя: еси бо наставник яко божественная являя.

И ныне: Предстательство христиан непостыдное, ходатайство ко Творцу непреложное, не презри грешных молений гласы, но предваря на молитву, и потщися на умоление, предстательствующи присно, Богородице, чтущих Тя.

Если совершалась литургия святого Василия Великого, читай тропарь Василию Великому, глас 1-й:

Во всю землю изыде вешание твое, яко приѣмшую слово твое, имже боголепно научил еси, естество сущих уяснил еси, чловеческия обычаи украсил еси, царское священство, отче преподобне, моли Христа Бога, спастися душѣмъ нашимъ.

## Кондак, глас 4-й

Слава: Явился еси основание непоколебимое церкви, подай всем некрадомое господство человеком, запечатлѣя твоими велѣньми, небоявленне Василие преподобне.

И ныне: Предстательство христиан...

*Если совершалась литургия Преждеосвященных Даров, читай тропарь св. Григорию Двоеслову, глас 4-й:*

Иже от Бога свыше Божественную благодать восприемь, славне Григорие, и Того силою укрепляемь, евангельски шествовати изволил еси, отонудуже у Христа возмездие трудов приял еси, всеблаженне: Егоже моли, да спасет души наша.

## Кондак, глас 3-й

Слава: Подобоначальник показался еси Начальника пастырем Христа, иноков чреды, отче Григорие, ко ограде небесней наставляя, и оттуду научил еси стадо Христово заповедем Его: ныне же с ними радуешься, и ликуеши в небесных крѣвех.

И ныне: Предстательство христиан...

Господи, помилуй (12). Слава, и ныне. Честнейшую Херувим...

*После причащения да пребывает каждый в чистоте, воздержании и немногословии, чтобы достойно сохранить в себе Христа принятого.*





## ПОМЯННИК

*егоже должно есть иноку или мирянину на всяк день, по окончании своего келейнаго правила, со всяким умилением и усердием читать.*

## О живых

Помяни, Господи Иисусе Христе, Боже наш, милости и щедроты Твоя от века сущия, ѡхже ради и вочеловечился еси, и распятие и смерть, спасения ради право в Тя верующих, претерпети изволил еси; и воскрес из мертвых, вознесся еси на небеса и седиши одесную Бога Отца, и призираеши на смиренныя мольбы всем сердцем призывающих Тя; приклони ухо Твое, и услыши смиренное моление мое, непотребнаго раба Твоего, в воню благоухания духовнаго Тебе за вся люди Твоя приносящаго. И в первых помяни Церковь Твою Святую, Соборную и Апостольскую, юже снабдел еси честною Твоею Кровию, и утверди, и укрепи, и расшири, умножи, умири и непреобориму адовыми враты во веки сохрани; раздирания Церквей утиши, шатания языческая угаси, и ересей востания скоро разори и искорени, и в ничтоже силою Святаго Твоего Духа обрати.

(Поклон).

Спаси, Господи, и помилуй богохранимую страну нашу, власти и воинство ея, да тихое и безмолвное житіе поживем во всяком благочестии и чистоте.

(Поклон).

Спаси, Господи, и помилуй Великаго Господина и Отца нашего, Святейшаго Патриарха Алексія, преосвященныя митрополиты, архиепископы и епископы православныя, иереи же и диаконы, и весь причет церковный, яже поставил еси пасты словесное Твое стадо, и молитвами их помилуй и спаси мя грешнаго.

(Поклон).

Спаси, Господи, и помилуй отца моего духовнаго (имя рек), и святыми его молитвами прости моя согрешения.

(Поклон).

*Живущие в монастыре, поминают еще:*

Спаси, Господи, и помилуй отца нашего архимандрита (имя рек), со всею еже о Христе братиею, и молитвами их и мене окаяннаго помилуй.

(Поклон).

Спаси, Господи, и помилуй вся служащия в трудех, во святей обители сей, братию нашу, рукодельныя же и мирския работники, и земледельцы монастыря сего, и вся христиане.

(Поклон).

*Зде поминай родители твоя, аще живи суть. Аще же усопши, преступи сие:*

Спаси, Господи, и помилуй родители моя (имя рек), братию и сестры, и сродники моя по плоти, и вся ближния рода моего, и други, и даруй им мирная Твоя и премирная блага.

(Поклон).

Спаси, Господи, и помилуй во святогорских монастырех, и в российских, и во иных местех, живущия и пребывающия отцы и братию нашу, и сестры; и молитвами их помилуй и мене грешнаго.

(Поклон).

Спаси, Господи, и помилуй по множеству щедрот Твоих вся священнойноки, иноки же и инокини, и вся в девстве же и благоговении и постничестве живущия в монастырѣхъ, в пустыняхъ, в пещерахъ, горахъ, столпѣхъ, затворѣхъ, разселинахъ каменныхъ, островахъ же морскихъ, и на всякомъ месте владычества Твоего правоверно живущия, и благочестно служащия Ти, и молящияся Тебе; облегчи им тяготу, утѣши ихъ скорбь, и къ подвигу отъ Тебе силу и крепость им подаждь, и молитвами ихъ даруй ми оставление греховъ.

(Поклон).

Спаси, Господи, и помилуй старцы и юныя, нищия и сироты и вдовицы, и сущия в болезняхъ и в печалѣхъ, бѣдахъ же и скорбѣхъ, обстоящихъ и пленѣннихъ, темницахъ же и заточѣннихъ, изряднее же в гонѣннихъ, Тебе ради и веры православныхъ, отъ языкъ безбожныхъ, отъ отступникъ и отъ еретиковъ, сущия рабы Твоя, и помяни я, посети, укрепи, утѣши, и вскоре силою Твоею ослабу, свободу, и избаву им подаждь.

(Поклон).

Спаси, Господи, и помилуй благотворящия намъ, милующия и питающия насъ, давшия намъ милостыню, и заповѣдавшия намъ недостойнымъ молиться о нихъ, и упокоеваяющия насъ; и сотвори милость Твою съ ними, даруя имъ вся яже ко спасенію прошенія, и вечныхъ благъ воспріятія.

(Поклон).

Спаси, Господи, и помилуй посланныя в службу, путешествующия, отцы и братію нашу и вся православныя христіаны.

(Поклон).

Спаси, Господи, и помилуй, ихже азъ безуміемъ моимъ соблазнихъ, и отъ пути спасительнаго отвратихъ, къ дѣломъ злымъ и неподобнымъ привелѣхъ; Божественнымъ Твоимъ Промысломъ къ пути спасенія паки возврати.

(Поклон).

Спаси, Господи, и помилуй ненавидящия и обидящия мя, и творящия ми напасти, и не остави ихъ погибнути мене ради грѣшнаго.

(Поклон).

Отступивши от православныя веры, и погібельными ересымъ ослепленныя, светомъ Твоего познания просвети, и Святѣй Твоей Апостольстей Соборной Церкви причти.

(Поклон).

Мерзкое и богохульное агарянское царство вскоре испровержи, и правовернымъ царѣмъ предаждь; правоверие же утверди, и воздвигни рогъ христіанскій, и низпосли на насъ милости Твоя богатая.

(Поклон).

О усопшихъ

Помяни, Господи, отъ житія сего отшедшия правоверныя цари и царицы, благоверныя князи и княгини, святѣйшия патриархи, преосвященныя митрополиты, архіепископы и епископы православныя, во иерействѣ же и причтѣ церковнемъ, и иноческомъ чинѣ Тебѣ послужившия, и блаженныя ктиторы святыя обители сея, и въ вѣчныхъ Твоихъ селеніяхъ со святыми упокой.

(Поклон).

*Аще родители усопшия имаши, или сродники, zde сице помяни:*

Помяни, Господи, души усопшихъ рабовъ Твоихъ, родителей моихъ (имя рек), и всехъ сродниковъ по плоти; и прости ихъ вся согрешенія вольная и невольная, даруя имъ Царствіе и причастіе вѣчныхъ Твоихъ благихъ, и Твоей безконечныя и блаженныя жизни наслаждение.

(Поклон).

Помяни, Господи, и вся в надеждѣ воскресенія и жизни вѣчныя усопшия отцы и братію нашу и сестры, и zde лежащія и повсюду православныя христіане, и со святыми Твоими, идѣже присещаетъ свѣтъ лица Твоего, всели, и насъ помилуй, яко Благъ и Человеколюбецъ. Аминь.

(Поклон).

*На конецъ же глаголи сие трижды:*

Поладь, Господи, оставленіе греховъ всемъ прежде отшедшимъ в верѣ и надеждѣ воскресенія отцемъ, братіямъ и сестрамъ нашимъ, и сотвори имъ вѣчную память.



## МОЛИТВЫ РАЗНЫЕ

## О путешествующих

*Тропарь, глас 2-й*

Путь и Истинна сый, Христе, спутника Ангела Твоего рабом Твоим ныне, якоже Товии иногда, послѣ сохраняюща, и невредимых, к славе Твоей, от всякаго зла во всяком благополучии соблюдающа, молитвами Богородицы, Едине Человеколюбче.

*Кондак, глас 2-й*

Лунѣ и Клеѣне во Еммауѣ спутешествовавый, Спасе, сщсѣствуй и ныне рабом Твоим, путешествовати хотящим, от всякаго избавляя их злаго обстояния: вся бо Ты, яко Человеколюбец, можеши хотяй.

*Молитва*

Господи: Иисусе Христе Боже наш, истинный и живой путь, соотрѣствовати мнимоу Твоему отцу Иосифу, и Пречистой Ти Деве Матери во Египет изволивый, и Лунѣ и Клеѣне во Еммауѣ спутешествовавый! И ныне смиренно молим Тя, Владыко Пресвятый, и рабом Твоим сим Твоею благодатно спутешествуй. И якоже рабу Твоему Товии, Ангела хранителя и наставника послѣ, сохраняюща и избавляюща их от всякаго злаго обстояния видимых и невидимых врагов, и ко исполнению заповедей Твоих наставляюща, мирно же и благополучно и здраво препровождающа, и пакы цело и безмятежно возвращающа; и даждь им все благое свое намерение ко благоугождѣнию Твоему благополучно в славу Твою исполнити. Твое бо есть, еже миловати и спасати нас, и Тебе славу возсылаем со Безначальным Твоим Отцем, и со Пресвятым, и Благим, и Животворящим Твоим Духом, ныне и присно, и во веки веков. Аминь.

## Благодарение за всякое благодеяние

*Тропарь, глас 4-й*

Благодарни суще недостойнии раби Твои, Господи, о Твоих великихъ благодеяніяхъ на насъ бывшихъ, славяще Тя хвалѣмъ, благословѣмъ, благодаримъ, поемъ и величаемъ Твое благоутробіе, и рабски любовію вопіемъ Ти: Благодетелю Спасе наш, слава Тебе.

*Кондак, глас 3-й*

Твоихъ благодеяній и даровъ туне, яко раби непотребнии, сподобльшеся, Владыко, к Тебе усердно притекающе, благодарение по силѣ приносимъ, и Тебе яко Благодетеля и Творца славяще, вопіемъ: слава Тебе, Боже всещедрый.

Слава, и ныне: *Богородичен.*

Богородице, христианом Помощнице, Твое предстательство стяжавше раби Твои, благодарно Тебе вопием: радуйся, Пречистая Богородице Дево, и от всех бед нас Твоими молитвами всегда избави, едина вскоре предстательствующая.

#### Молитва от осквернения св. Василия Великого

Многоименное, нетленное, нескверное, безгрешное Господи, очисти мя, непотребного раба Твоего, от всяких скверн плотских и душевных, и от невнимания и уныния моего прибывшую ми нечистоту, со мной всеми беззакониями моими, и яви мя нескверна, Владыко, за благодать Христа Твоего, и освяти мя нашествием Пресвятаго Твоего Духа: яко да возбнув от мглы нечистых привидений диавольских, и всякие скверны, сподоблюся чистою совестию отвёрсти скверная моя и нечистая уста, и воспевати всесвятое имя Твое, Отца, и Сына, и Святаго Духа, ныне и присно, и во веки веков. Аминь.

#### Молитва на освящение всякой вещи

Создателю и Содетелю человеческого рода, Дателю благодати духовной, Подателю вечнаго спасения, Сам, Господи, послѣ Духа Твоего Святаго с вышним благословением на вещь сию, яко да вооружена силою небеснаго заступления хотящим ю употребляти, помощна будет к телесному спасению и заступлению и помощи, о Христе Иисусе Господе нашем. Аминь.

*И кропят вещь святой водою трижды.*

#### Молитва о примирении враждующих

Владыко Человеколюбче, Царю веков и Подателя благих, разрушивший вражды средостение и мир подавший роду человеческому, даруй и ныне мир рабам Твоим (имена): вкорени в них страх Твой и друг к другу любовь утверди; угаси всяку распрю, отыми вся разногласия соблазны. Яко Ты еси мир наш и Тебе славу возсылаем, Отцу и Сыну и Святому Духу, ныне и присно, и во веки веков. Аминь.

#### Молитва ко Пресвятой Богородице

К кому возопию, Владычице? К кому прибегну в горести моей, аще не к Тебе, Царице Небесная? Кто плач мой и вздыхание мое примет, аще не Ты, Пренепорочная, надеждо христиан и прибежище нам грешным? Кто паче Тебѣ в напастьх защитит, услыши убо стенание мое, и приклони ухо Твое ко мне, Владычице Мати Бога моего, и не презри мене требующаго Твоея помощи, и не отрини мене грешнаго. Вразуми и научи мя, Царице Небесная; не отступи от мене, раба Твоего, Владычице, за роптание мое, но буди мне Мати и заступнице. Вручаю себѣ милостивому покрову Твоему: приведи мя грешнаго к тихой и безмятежной жизни, да плачуся о гре-

сех моих. К кому бо прибегну повинный аз, аще не к Тебе, упованию и прибежищу грешных, надеждою на неизреченную милость Твою и щедроты Твоя окриляем? О, Владычице Царице Небесная! Ты мне упование и прибежище, покров и заступление и помощь. Царице моя преблагая и скорая заступнице! Покрый Твоим ходатайством мбѣ прегрешения, защити мене от враг видимых и невидимых; умягчи сердца злых человек, возстающих на мя. О, Мати Господа моего Творца! Ты еси корень девства и неувядаемый цвет чистоты. О, Богородительнице! Ты подаждь ми помощь немогущему плотскими страстьми и болѣзнующему сердцем, едино бо Твое и с Тобою Твоего Сына и Бога нашего имам заступление; и Твоим пречудным заступлением да избавлюся от всякия бѣды и напасти, о пренепорочная и преславная Божия Мати Маріе. Темже со упованием глаголю и вопию: радуйся, благодатная, радуйся, обрадованная; радуйся, преблагословенная, Господь с Тобою.

### Молитва ко Пресвятой Богородице за духовнаго отца

О, Пресвятая Владычице моя, Дево Богородице, Царице Небесѣ и земли, вонми вопиющей души моей и грешную молбѣ мою, Пречистая Матерь Божия, за отца моего духовнаго, скорбящаго раба Твоего (имя рек).

Буди ему всегда спутницей, и на всякое время сопровождай и ограждай его святыми ангелами. Укрепляй его бодрствующаго, оберегай его смятающаго, утешай его плачущаго, ободряй его унывающаго, избавляй от скорбей, освобождай от клеветы, воздвизай немогущаго, побеждай воюющих против него бесов и в смертной опасности помогай ему. Ежедневно являй его страшным для видимых и невидимых врагов, чтобы они знали, что он Твой раб, Богоматерь, родившая Бога и Царя, Которому подобает честь и поклонение во веки веков.

Матерь Божия, умягчи сердца злых человек, возстающих на него.

Ты видишь труды и скорби отца моего, его скорби Тебе единой известны. Ты ведаешь все тайны души его, воззри милостиво на него с небеси, облегчи его страдания, покрой его покровом Своим, посети его Своєю небесною милостию, послѣ благословение на дела его и дай ему невидимую помощь. И святыми его молитвами дай мне смирение, самоукорение, терпение, кротость, целомудрие, молчание и покрой меня от всех нападѣй и врагов видимых и невидимых.

### Молитвы малого повечерия

Нескверная, Неблѣзная, Нетлѣнная, Пречистая, Чистая Дево, Богоневесто Владычице, Яже Бога Слова человеком преславным Твоим рождеством соединившая и отринувшееся естество рода нашего небесным совокупившая; Яже ненадеждных Единая Надежда, и боримых Помоще, готовое Заступление к Тебе притекающих, и всех христиан Прибежище; не гнушайся мене, грешнаго, сквернаго, скверными помысли, и словесы, и дѣяньми всего себе непотребна сотворша, и разумом личности сластей жития

раба бывша. Но яко Человеколюбиваго Бога Мати, человеколюбне умили-сердися о мнѣ, грѣшнем и блуднем, и прими мое еже от скверных устѣхъ приносимое Тебѣ моление; и Твоего Сына, и нашего Владыку и Господа, Матернее Твое дерзновение употребляюще, моли, да отверзет и мнѣ человеколюбныя утробы Своея благодати и, презрѣвъ моя безчисленная прегрѣшѣнія, обратит мя къ покаянію, и Своихъ заповѣдей дѣлателя искусна явитъ мя. И предстани мнѣ присно яко Милостивая, и Милосердная и Благолюбивая, в настоящемъ убо житіи теплая Предстательнице и Помощнице, сопротивныхъ тѣхъ отгоняющи, и ко спасенію наставляющи мя, и во время исхода моего окаянную мою душу соблюдающи и темныя зраки лукавыхъ бесовъ даче от нея отгоняющи; в страшный же день Суда вечныя мя избавляющи мѹки и неизреченныя славы Твоего Сына и Бога нашего наследника мя показѹющи, юже и да улучѹ, Владычице моя, Пресвятая Богородице, Твоимъ ходатайствомъ и заступленіемъ, благодатию и человеколюбіемъ Единороднаго Сына Твоего, Господа и Бога и Спаса нашего Иисуса Христа; Емуже подобаетъ всякая слава, честь и поклоненіе, со Безначальнымъ Его Отцемъ, и Пресвятымъ и Благимъ и Животворящимъ Его Духомъ, ныне и присно, и во веки вековъ. Аминь.

И даждь намъ, Владыко, на сонъ грядущій, покой тела и души, сохрани насъ отъ мрачнаго сна греховнаго и отъ всякаго темнаго и пощнаго стадо-страстія; укроти стремленія страстей, угаси разжженные стрѣлы лукаваго, яже на ны льстиво двѣжимыя, плоти нашея востание утоли и всякое земное и вещественное наше мудрованіе успи; и дарѹй намъ, Боже, бодрѹмъ, целомѹдръ помыслъ, сердце трезвящееся, сонъ легокъ и всякаго сатанинаго мечтания изменѣнъ. Возстави же насъ во время молитвы утверждѣны въ заповѣдехъ Твоихъ въ себѣ твердо имѹща; всенѣшное славословіе намъ дарѹй, во еже пѣти и благословити и славити Пречестное и Великолепное Имя Твое, Отца и Сына и Святаго Духа, ныне и присно и во веки вековъ. Аминь.

#### Молитва Святителю Николаю

О, всесвятѣй Никѹлае, угѹднѣе преизрядный Господень, теплый нашъ заступникъ, и вездѣ въ скорбѣхъ скорый помощникъ! Помози мнѣ грѣшному и умилому въ настоящемъ семъ житіи, умоли Господа Бога даровати ми оставленіе всехъ моихъ греховъ, елико согрѣшихъ отъ юности моея, во всемъ житіи моемъ, деломъ, словомъ, помышленіемъ и всеми моими чувствы; и во исходе души моея помози ми окаянному, умоли Господа Бога, всея твари Содѣтеля, избавити мя воздушныхъ мытарствъ и вечнаго мѹчѣнія: да всегда прославляю Отца и Сына и Святаго Духа, и твое милостивое предстательство, ныне и присно и во веки вековъ. Аминь.

#### Молитва Преподобному отцу нашему Сергію игумену Радонежскому

О священная главо, преподобне отче, преблаженне Авво Сергіе Великий! Не забуди убогихъ своихъ до конца, но поминай во святыхъ своихъ и благочестивыхъ молитвахъ къ Богу. Помини стадо свое, еже самъ улѹдл еси; и не забуди посещати чадъ своихъ. Моли за ны, Отче священный, за дети твоя



духовныя, яко имея дерзновение к Небесному Царю; не премолчи за ны ко Господу, и не презри нас, верою и любовию чтущих тя. Поминай нас недостойных у Престола Вседержителя, и не престай моляся о нас ко Христу Богу; ибо дана тебе бысть благодать за ны молитися. Не мним бо тя суща мёртва; аще бо и телом преставился еси от нас, но и по смерти жив сый пребываеши. Не отступай от нас духом, сохраняя нас от стрел вражних, и всякия прелести бесовския, и козней диавольских, пастырю наш добрый. Аще бо и мощей твоих рака пред очима нашими видима есть всегда, но святая твоя душа со ангельскими воинствы, со безплотными лики, с небесными силами, у Престола Вседержителя предстоящи, достойно веселится. Ведуще бо ты воистину и по смерти жива суща, тебе припадаем и тебе молимся, еже молитися о нас Всесильному Богу, о пользе душ наших, и испросити время на покаяние, и о невозбранном пренити от земли на Небо, мытарств же горьких, бесов воздушных князей, и вечныя мук избавитися, и Небесному Царствию наследником быти со всеми праведными, от века угодившими Господу нашему Иисусу Христу; Емуже подобает всякая слава, честь и поклонение, со Безначальным Его Отцем, и с Пресвятым, и Благим, и Животворящим Его Духом, ныне и присно, и во веки веков. Аминь.

#### Молитва Преподобному Серафиму Саровскому

О, пречудный отче Серафиме, великий Саровский чудотворче, всем прибегающим к тебе скоропослушный помощник! Во дни земнаго жития твоего никтоже от тебе тощ и неутешен отыде, но всем в сладость бысть видение лика твоего и благоуветливый глас словес твоих. К сим же и дар исцелений, дар прозрения, дар немощных душ врачевания обилие в тебе явися. Егда же призва тя Бог от земных трудов к небесному упокоению, николиже любви твоя престá от нас, и невозможно есть исчислити чудеса твоя, умножившаяся, яко звезды небесныя; се бо по всем концем земли нашаеи людем Божиим являеши и даруеши им исцеления. Темже и мы вопием ти: о, претихий и кроткий угодниче Божий, дерзновенный к Нему молитвенниче, николиже призывающия тя отрещай! Вознеси о нас благомощную твою молитву ко Господу сил, да дарует нам вся благопотребная в жизни сей и вся к душевному спасению полезная, да оградит нас от падений греховных и истинному покаянию да научит нас, во еже безпреткновенно внити нам в вечное Небесное Царство, идеже ты ныне в незаходимей сияеши славе, и тамо воспевати со всеми святыми Живоначальную Троицу во веки веков. Аминь.

#### Молитва на принятие просфоры и святой воды

Господи, Боже мой, да будет дар Твой святой: просфора и святая Твоя вода во оставление грехов моих, в просвещение ума моего, во укрепление душевных и телесных сил моих, во здравие души и тела моего, в покорение страстей и немощей моих по беспредельному милосердию Твоему, молитвами Пречистыя Твоея Матери и всех Святых Твоих. Аминь.

**Исповедь Богу перед духовником**

Исповедуем мы многогрешные (имена) Господу Богу Вседержителю, во Святей Троице славимому и поклоняемому Отцу и Сыну, и Святому Духу все наши грехи, вольные и невольные, словом или делом, или помышлением. Согрешили: несохранением своих обетов, данных нами при крещении, но во всем мы солгали и преступили и непотребными себя соделали пред лицом Божиим. Согрешили: маловерием, неверием, сомнением, колебанием в вере, от врага всеваемым против Бога и святой Церкви, самомнением и вольным мнением, суеверием, гаданием, самопачедеянностью, нерадением, отчаянием в своем спасении, надеждой на самого себя и на людей более, чем на Бога. Согрешили: забвением о правосудии Божиим, неимением достаточной преданности воле Божией. Непокорностью к действиям промысла Божия, упорным желанием, чтобы все было по-моему, человекоугодием и пристрастной любовью к твари и вещам. Нестаранием раскрыть в себе полного познания Бога, воли Его, всры в Него, благоволения к Нему, страха пред Ним, надежды на Него и ревности о славе Его. Согрешили: неблагодарностью к Господу Богу за все Его великие и непрестанные благодеяния, в изобилии изливаемые на каждого из нас и в целом на весь человеческий род и непамятанием о них, ропотом на Бога, малодушием, унынием, ожесточением своего сердца, неимением к Нему любви, ниже страха и неисполнением святой воли Его. Согрешили: порабощением себя страстям: сладострастною, корыстолюбивою, гордости, самолюбивою, тщеславною, честолюбивою, любостязанию, чревоугодию, лакомству, тайноядению, объедению, пьянству, пристрастием к играм, зрелищам и увеселениям. Согрешили: божбой, неисполнением обетов, принуждением других к божбе и клятве, неблагоговением к святыне, худой на Бога, на святых, на всякую святыню, кощунством, призыванием имени Божия всуе, в худых делах, желаниях. Согрешили: непочитанием праздников Божиих, нехождением в храм Божий по лености и по нерадению, неблагоговейным стоянием в храме Божием, разговорами, смехом, невниманием к чтению и пению, рассеянностью ума, блужданием мыслей, хождением по храму во время богослужения, преждевременными выходами из храма, в нечистоте приходили в храм и прикасались к святыням его. Согрешили: нерадением к молитве, оставлением утренних и вечерних молитв, нехранением внимания во время молитвы, оставлением чтения св. Евангелия, Псалтири и других Божественных книг. Согрешили: утаиванием на исповеди грехов, самооправданием в них и умалением их тяжести, покаянием без сердечного сокрушения и нестаранием о должном приготовлении к причащению Святых Тел Христова, не примирившись со своими ближними приходили на исповедь, и в таком греховном состоянии дерзали приступать к причащению. Согрешили: нарушением постов и нехранением постных дней — среды и пятницы, невоздержанием в пище и питии, небрежным и неблагоговейным изображением на себе крестного знамения. Согрешили: непослушанием, самопачедеянностью, самопачедеянием, самооправданием, леностью к труду и недобросовестным исполнением порученных работ и дел по долгу службы, непочитанием родителей своих и старших себя по возрасту, дерзостью и непокорством. Согрешили: неимением любви к ближнему, нетерпеливостью, обидчивостью, раздражительностью, гневом, причинением вреда ближнему, неуступчивостью, враждой, зло за

зло воздаянием, непощением обид, злопомнением, ревностью, завистью, зложелательством, мстительностью, осуждением, оклеветанием, лихоимством; несострадательностью к несчастным, немилосердием к бедным, скупостью, расточительностью, корыстолюбием, неверностью, несправедливостью, жестокосердием. Согрешили: лукавством против ближних, обманом их, неискренностью в обращении с ними, подозрительностью, доведущим, сплетнями, насмешками, остротами, ложью, лицемерным обращением с другими и лестью. Согрешили: забвением о будущей вечной жизни, непамятованием своей смерти и страшном суде и перазумной страстной привязанностью к земной жизни и ее удовольствиям. Согрешили: невоздержанием своего языка, пустословием, празднословием, смехотворством, разглашением грехов и слабостей ближнего, соблазнительным поведением, вольностью, дерзостью. Согрешили: невоздержанием своих душевных и телесных чувств, пристрастием, сладострастием, нескромным воззрением на лиц другого пола; вольным с ними обращением, блудом и прелюбодеянием и излишним щегольством с желанием нравиться и прельщать других. Согрешили: неимением прямоты, искренности, простоты, верности, правдивости, уважительности, степенности, осторожности в словах, благоразумной молчаливости, охранения и защищения чести других, неимением любви, воздержания, целомудрия, скромности в словах и поступках, чистоты сердца; нестяжательности, милосердия и смиренномудрия. Согрешили: унынием, печалью, зрением, слухом, вкусом, обонянием, осязанием, похотью, нечистотой и всеми нашими чувствами, помышлениями, словами, желаниями, делами и в прочих наших грехах, которых из-за беспамятства нашего мы не упомянули.

Каемся, что противявали Господа Бога нашего всеми своими грехами, искренно об этом жалеем и желаем всевозможно воздерживаться от грехов наших.

Господи Боже наш, со слезами молим Тебя, Спаса нашего, помоги нам утвердиться в святом намерении жить по-христиански, а исповеданные нами грехи прости, яко Благ и Человеколюбец.

### Кондак Кресту

Иже крестом ограждаемы, врагу противляемся, не бояшися того коварства и ловительства, яко бо горде упразднися и попра́н бысть на древе силою распятого Христа. Крест Твой, Господи, освятися, тем же бывають исцеления, немоществующими грехми, се бо ради к Тебе припадаем; помилуй нас. Господи, оружие на дьявола Крест свой дал еси нам, трепещет бо и трясется, не терпяй взирати на силу его. Яко бо мертвые возставляют и смерть упразднит. Се бо ради поклоняемся погребению Твоему и востанию.



## ТРОПАРИ, КОНДАКИ И ВЕЛИЧАНИЯ

на праздники

### ГОСПОДНИ И БОГОРОДИЧНЫ

Вход Господень во Иерусалим

*Тропарь, глас 1*

Общее воскресение прежде Твоея страсти уверяя, из мертвых воздвигл еси Лазаря, Христе Боже. Темже и мы, яко отроцы победы знаменья носяще, Тебе победителю смерти вопием: осанна в вышних, благословен грядый во Имя Господне.

*Кондак, глас 6*

На престоле на небесѣ, на жребяти на земли носимый, Христе Боже, Ангелов хвачение и детей воспевание приѣл еси зовущих Ти: благословен еси грядый Адама воззвати.

*Величание*

Величаем Тя, Живодавче Христе: осанна в вышних и мы Тебе вопием: благословен грядый во Имя Господне...



**ПАСХА**  
(Светлое Христово Воскресение)

*Стихира на утрени, глас 6*

Воскресение Твое, Христе Спасе, Ангели поют на небесѣхъ, и нас на землѣхъ сподоби чистымъ сердцемъ Тебѣ славить.

*Тропарь, глас 5*

Христосъ воскресъ изъ мертвыхъ, смертию смерть поправъ, и сущимъ во гробѣхъ животъ даровавъ.

*Кондак, глас 8*

Аще и во гробъ снизшелъ еси, Безсмертне, но адову разрушилъ еси силу, и воскресъ еси, яко Победитель, Христе Боже, женамъ мироносицамъ вещдѣвый: радуйтеся! и Твоимъ апостоломъ миръ даруяй, падшимъ подай воскресение.

**Преполовление Пасхи**

*Тропарь, глас 8*

Преполовившуся празднику, жаждущую душу мою благочестия напои водами, яко всемъ, Спасе, возопиѣ еси: жаждай да грядетъ ко Мнѣ и да пьетъ. Источниче жизни нашея, Христе Боже, слава Тебѣ.

**Вознесение Господне**

*Тропарь, глас 4*

Вознеслся еси во славе, Христе Боже нашъ, радость сотворивый ученикомъ обетованіемъ Святаго Духа, извещеннымъ имъ бывшимъ благословеніемъ, яко Ты еси Сынъ Божій, Избавитель мира.

*Кондак, глас 6*

Еже о насъ исполнивъ смотрение и яже на землѣ соединивъ небеснымъ, вознеслся еси во славе, Христе Боже нашъ, никакоже отлучаяся, но пребывая неотступный, и вопиѣи любящимъ Тя: Азъ есмь съ вами, и никтоже на вы.

*Величание*

Величаем Тя, Живодавче Христе, и почитаемъ еже на небеса, съ Пречистою Твоею плотію, Божественное вознесение.

**Святая Пятидесятница**

*Тропарь, глас 8*

Благословенъ еси, Христѣ Боже нашъ, Иже премудры ловцы явлей, ни-

спослав им Духа Святого, и теми уловлей вселенную. Человеколюбче, слава Тебе.

*Кондак, глас тойже*

Егда снисхед языки слий, разделяше языки Вышний; егда же огненные языки раздайше, в соединении вся призва; и согласно славим Всесвятого Духа.

*Величание*

Величаем Тя, Живодавче Христе, и чтим Всесвятого Духа Твоего, Егоже от Отца послал еси Божественным учеником Твоим.

**8 сентября. Рождество Пресвятыя Богородицы**

*Тропарь, глас 4*

Рождество Твое, Богородице Дево, радость возвести всей вселенней: из Тебе бо возсия Солнце правды Христос Бог наш, и разрушив клятву, даде благословение, и упразднив смерть, дарова нам живот вечный.

*Кондак, глас тойже*

Иоаким и Анна поношения безчадства, и Адам и Ева от тли смертныя свободистася, Пречистая, во святем рождестве Твоем. То празднуют и людие Твои, виня прегрешений избавльшеся, вегда звати Ти: неплоды рождает Богородицу и питательницу жизни нашея.

*Величание*

Величаем Тя, Пресвятая Дево, и чтим святых Твоих родителей, и всеславное славим рождество Твое.

**14 сентября. Воздвижение Честнаго и Животворящаго Креста**

*Тропарь, глас 1*

Спаси, Господи, люди Твоя и благослови достояние Твое, победы православным христианам на сопротивных даруя, и Твое сохраняя Крестом Твоим жительство.

*Кондак, глас 4*

Вознесыйся на Крест волею, тезоименитому Твоему новому жительству щедроты Твоя даруй, Христе Боже, возвесели нас силою Твоею, победы дая нам на супостаты, пособие имущим Твое оружие мира, непобедимую победу.

*Величание*

Величаем Тя, Живодавче Христе, и чтим Крест Твой святой, имже нас спасл еси от работы вражия.

**21 ноября. Введение во храм Пресвятыя Богородицы***Тропарь, глас 4*

Днесь благоволения Божия предображение и человеков спасения проповедание, в храме Божии ясно Дева является и Христа, всем предвозвещает, Той и мы велегласно возопим: Радуйся, смотрения Зиждителя исполнение.

*Кондак, глас 4*

Пречистый храм Спасов, многоценный чертог и Дева, священное сокровище славы Божия, днесь вводится в дом Господень благодать совводящи, яже в Дусе Божественном, Юже воспевают Ангели Божии; Сия есть селение небесное.

*Величание*

Величаем Тя, Пресвятая Дево, Богоизбранная Отроковице, и чтим еже в храм Господень вхождение Твое.

**25 декабря. Рождество Христово***Тропарь, глас 4*

Рождество Твое, Христе Боже наш, возсия мирови свет разума, в нем бо звездам служащи звездою учахуся, Тебе кланялися Солнцу правды и Тебе ведети с высоты Востока. Господи, слава Тебе!

*Кондак, глас 3*

Дева днесь Пресущественнаго раждает, и земля вертеп Непрístupному приносит; Ангели с пастырьми славословят, волсви же со звездою путешествуют; нас бо ради родися Отроча младо, превечный Бог.

*Величание*

Величаем Тя, Живодавче Христе, нас ради ныне плотию рождаемого от безвестных и Пречистых Девы Марии.

**6 января. Крещение Господне***Тропарь, глас 1*

Во Иордане крещаящуся Тебе, Господи, Троическое явися поклонение: Родителей бо глас свидетельствовавше Тебе, возлюбленного Тя Сына име-

нуя: и Дух, в виде голубине, извествоваше словесѣ утверждение, явлѣйся, Христе Боже, и мир просвещѣй, слава Тебе.

*Кондак, глас 4*

Явился еси днесь вселенней, и свет Твой, Господи, знаменася на нас, в разуме поющих Тя; пришел еси и явился еси, Свет неприступный.

*Величание*

Величаем Тя, Живодавче Христе, нас ради ныне плотию крестившагося от Иоанна в водах Иорданских.

**2 февраля. Сретение Господне**

*Тропарь, глас 1*

Радуйся, Благодатная Богородице Дево, из Тебе бо возсия Солнце правды Христос Бог наш, просвещаяй сущия во тьме. Веселися и ты, старче праведный, приёмый во объятия Свободителя душ наших, дарующаго нам воскресение,

*Кондак, глас тойже*

Утробу Девичу освятивый рождеством Твоим, и руке Симеоне благословивый, яко же подобаше, предварив, и ныне спасл еси нас, Христе Боже; но умири во бранех жительство, едине Человеколюбче.

*Величание*

Величаем Тя, Живодавче Христе, и чтим Пречистую Матерь Твою, Еюже по закону прии́слся еси в храм Господень.

**25 марта. Благовещение Пресвятыя Богородицы**

*Тропарь, глас 4*

Днесь спасения нашего главїзна, и еже от века таинства явление; Сын Божий, Сын Девы бывает, и Гавриил благодать благовествует. Темже и мы с ним Богородице возопийм: Радуйся, Благодатная, Господь с Тобою!

*Кондак, глас 8*

Взбранной Воеводе победительная, яко избавльшеся от злых, благодарственная восписуем Ти раби Твои, Богородице: но яко имущая державу непобедимую, от всяких нас бед свободи, да зовем Ти: Радуйся, Невесто Неневестная.



*Величание*

Архангельский глас вопиём Ти, Чистая: радуйся, Благодатная, Господь с Тобою.

**6 августа. Преображение Господне***Тропарь, глас 7*

Преобразился еси на горѣ, Христе Боже, показавый ученикомъ Твоимъ славу Твою, якоже можѣху; да возсияетъ и намъ грешнымъ светъ Твой присносущный, молитвами Богородицы, Светодавче, слава Тебе.

*Кондак, глас тойже*

На горѣ преобразился еси, и якоже вмещѣху ученицы Твои, славу Твою, Христе Боже, видеша: да егда Тя узрятъ распинаема, страдание убо уразумеютъ вольное, мірови же проповѣдятъ; яко Ты еси воистинну Отчее сияние.

*Величание*

Величаемъ Тя, Живодавче Христе, и почитаемъ Пречистыя плоти Твоея преславное преображение.

**15 августа. Успение Пресвятыя Богородицы***Тропарь, глас 1*

В рождестве девство сохранила еси, во успѣнии мира не оставила еси, Богородице, преставилася еси къ животу. Мати сущи Живота, и молитвами Твоими избавляеши отъ смерти души наша.

*Кондак, глас 2*

В молитвахъ неусыпающую Богородицу, и в предстательствахъ непреложное упование, гробъ и умерщвление не удержѣста: якоже бо Животѣ Матерь, къ животу престаи, во утробу вселивися приснодевственную.

*Величание*

Величаемъ Тя, Пренепорочная Мати Христа Бога нашего, и всеславное славимъ успение Твое.

**1 октября. Покров Пресвятыя Богородицы***Тропарь, глас 4*

Днесь, благовернии людие, светло празднуемъ, осеняеми Твоимъ, Богоматери, пришествиемъ, и къ Твоему взирающе пречистому образу, умильно гла-

голем: покрый нас честным Твоим покровом, и избави нас от всякого зла, молящи Сына Твоего, Христа Бога нашего, спасти души наша.

**13 октября (также 12 февраля  
и во вторник Светлой седмицы)  
Иверской иконы Пресвятой Богородицы**

*Тропарь, глас 1*

От святых икон Твоя, о, Владычице Богородице, исцеления и цельбы подаются обильно с верою и любовию приходящим к ней; тако и мою немощ посети, и душу мою помилуй, Благая, и тело исцели благодатию Твоею, Пречистая.

**22 октября (и 8 июля)  
Казанской иконы Пресвятыя Богородицы**

*Тропарь, глас 4*

Заступнице усердная, Мати Господа Вышняго, за всех молиши Сына Твоего, Христа Бога нашего, и всем твориши спастися, в державный Твой покров прибегающим. Всех нас заступи, о, Господи, Царице и Владычице, иже в напастех и в скорбех и в болезнях обремененных грехи многими, предстоящих и молящихся Тебе умиленною душею и сокрушенным сердцем пред пречистым Твоим образом со слезами, и невозвратно надежду имущих на Тя избавления всех зол, всем полезная даруй и вся спаси, Богородице Дево: Ты бо еси Божественный покров рабам Твоим.

**8 ноября. Архангелам и ангелам**

*Тропарь, глас 4*

Небесных воинств архистратізи, молим вас присно мы недостойнии, да вашими молитвами оградите нас кровом крил невещественныя вашей славы, сохраняюще нас припадающия прилежно, и вопиющия; от бед избавите нас яко чиноначальницы вышних сил.

**6 декабря. Святителя Николая,  
архиепископа Мирликийского**

*Тропарь, глас 4*

Правило веры и образ кротости, воздержания учителя яви тя стаду твоему яже вещей истина; сего ради стяжал еси смирением высокая, ни-

шетою богатая, отче священноначальниче Никóлае, моли Христа Бога спастися душам нашим.

**1 января. Обрезание Господа нашего Иисуса Христа  
и память святителя Василия Великого**

*Тропарь Обрезанию, глас 1-й (тропарь святителю — стр. 74)*

На престоле огнезрачном в вышних седяй со Отцем безначальным и Божественным Твоим Духом, благоволил, еси родитися на земли от Отроковицы, неискусомужия Твоея Матере, Иисусе; сего ради и обрезан был еси, яко человек осмодневный. Слава всеблагому Твоему совету, слава смотрению Твоему, слава снисхождению Твоему, едине Человеколюбче.

**21 мая (также 23 июня и 26 августа)**

**Владимирской иконы Пресвятой Богородицы**

*Тропарь, глас 4-й*

Днесь светло красуется слáвнейший град Москва, яко зарю солнечную воспримши, Владычице, чудотворную Твою икону, к ней же ныне мы притекающе и молящися, Тебе взываем сие: о, пречудная Владычице Богородице, молися из Тебе воплощенному Христу Богу нашему, да избавит град сей и вся грады и страны христианския невредимы от всех навет вражиих, и спасет души наша, яко Милосерд.

**29 июня. Святых первоверховных апостолов Петра и Павла \***

*Тропарь, глас 4*

Апостолов первопрестольницы, и вселенныя учителие, Владыку всех молитве, мир вселенней даровати, и душам нашим велию милость.

**16 августа. Нерукотворенного образа Господа нашего Иисуса Христа**

*Тропарь, глас 2*

Пречистому Твоему образу покланяемся, Благий, просяще прощения прегрешений наших, Христе Боже: волею бо благоволил еси плотию взыти на крест, да избавиши, яже создал еси, от работы вражия. Тем благодарственно вопием Ти: радости исполнил еси вся, Спасе наш, пришедый спасти мир.

**29 августа. Усекновение главы Предтечи и Крестителя Иоанна**

*Тропарь, глас 2*

Память праведнаго с похвалами, тебе же довлéет свидетельство Господне, Предтече: показáл бо ся еси воистину и пророков честнейший, яко и в струях крестити сподобился еси Проповéданнаго. Темже за истину пострадав радуясь, благовестил еси и сущим во аде Бога являшагося плотию, взémлющаго грех мира и подающаго нам велию милость.

## ТРОПАРИ ВОСКРЕСНЫЕ

## Глас 1

Ка́мени запечатану от иудей и воином стрегущим Пречистое Тело Твое, воскресл еси тридневный, Спасе, да́руяй миру жизнь. Сего ради силы небесныя вопияху Ти, Жизнодавче: слава воскресению Твоему, Христе, слава Царствию Твоему, слава смотрению Твоему, едине Человеколюбче.

## Глас 2

Егда́ снизшел еси, к смерти, Животé Безсмертный, тогда ад умертвил еси блистанием Божества; егда же и умер́шия от преисподних воскресил еси, вся силы небесныя възваху: Жизнодавче, Христе Боже наш, слава Тебе.

## Глас 3

Да веселятся небесная, да радуются земная, яко сотвори́ державу мышцею Своею Господь, попра смертью смерть, первенец мертвых быти; из чрева адова избави нас, и подаде́ миру велию милость.

## Глас 4

Светлую воскресения проповедь от Ангела уведевша Господни учени́цы и пра́деее осуждение отвергша, апостолом хва́лящаяся глаголаху: испове́ржесе смерть, воскресе Христос Бог, да́руяй миру велию милость.

## Глас 5

Собезначальное Слово Отцу и Духови, от Девы рождшееся на спасение наше, воспойм, вернии, и поклонимся, яко благоволи́ плотию взыти на крест, и смерть претерпети, и воскресити умершия славным воскресением Своим.

## Глас 6

Ангельския силы на гробе Твоем, и стрегущи омертвеша, и стояше Ма́рия во гробе, ищущи Пречистаго Тела Твоего. Пленил еси ад, не искусився от него; срéтил еси деву, да́руяй живот. Воскресый из мертвых, Господи, слава Тебе.

## Глас 7

Разрушил еси Крестом Твоим смерть, отверзл еси разбойнику рай, мирноси́ам плач преложил еси, и апостолом пропове́дати повелел еси, яко воскресл еси, Христе Боже, да́руяй миру велию милость.

## Глас 8

С высоты снизше́л еси. Благоутробие, погребение при́ял еси тридневное, да нас свободи́ши страсте́й. Животé и воскресение наше, Господи, слава Тебе.



## ШЕСТОПСАЛМИЕ

## Шестопсалмие

Чтец: Слава в вышних Богу, и на земли мир, в человецех благоволение. (*Трижды*)

Господи, устне мои отверзеш, и уста моя возвестят хвалу Твою. (*Дважды*)

## Псалом 3

Господи, что ся умножища стужающий ми? Мнози востают на мя, мнози глаголют души моей: несть спасения ему в Бозе его. Ты же, Господи, Заступник мой еси, слава моя, и возносяй главу мою. Гла́сом моим ко Господу возвах, и услыша мя от горъ святая Своя. Аз уснух и спях; востях, яко Господь заступит мя. Не убоюся от тем людей, окрест нападающих на мя. Воскресни, Господи, спаси мя, Боже мой, яко Ты порази еси вся враждующия ми всеу, зубы грешников сокрушил еси. Господне есть спасение, и на людех Твоих благоговение Твое.

Аз уснух и спях; востях, яко Господь заступит мя.

## Псалом 37

Господи, да не яростию Твоею обличиши мене, ниже гневом Твоим накажеш мене. Яко стрелы Твоя уязоша во мне, и утвердил еси на мне руку Твою. Несть исцеления в плоти моей от лица гнева Твоего, несть мира в костех моих от лица грех моих. Яко беззакония моя превзыдоша главу мою, яко бремя тяжкое отяготеша на мне. Возмердеша и согниша раны моя от лица безумия моего. Пострадах и слякохся до конца, весь день сетуя хождах. Яко лядвия моя наполнишася поруганий, и несть исцеления в плоти моей. Озлоблен бых и смирихся до зела, рыках от воздыхания сердца моего. Господи, пред Тобою все желание мое, и воздыхание мое от Тебе не утайся. Сердце мое смятется, остави мя сила моя и свет очию моею, и той несть со мною. Друзи мои и искреннии мои прямо мне приближишася и стаща. И ближнии мои отдалеча мене стаща и нуждахуся ищущи душу мою; и ищущи злая мне, глаголаху суетная и лъстивным весь день поучахуся. Аз же яко глух не слышах, и яко нем не отверзаяй уст своих. И был яко человек не слышай, и не имый во устех своих обличения. Яко на Тя, Господи, уповах, Ты услышиши, Господи

Боже мой. Яко рех: да не когда порадуют ми ся врази мои, и внигда подвижѣтися ногам моим, на мя велеречеваша. Яко аз на раны готов, и болезнь моя предо мною есть выну. Яко беззаконие мое аз возвещу, и попекуся о гресе моем. Врази же мои живут, и укрепішася паче мене, и умножишася ненавидящии мя без правды. Воздающии ми злая возлагаѣя, оболгаху мя, зане гонях благостыню.

Не остави мене, Господи Боже мой, не отступи от мене. Вонми в помощь мою, Господи спасения моего.

Не остави мене, Господи Боже мой, не отступи от мене. Вонми в помощь мою, Господи спасения моего.

#### Псалом 62

Боже, Боже мой, к Тебе утренюю: возжада Тебе душа моя, коль множицею Тебе плоть моя, в земли пүсте и непроходне и безводне. Тако во святем явѣхся Тебе, видети силу Твою и славу Твою. Яко лучши милость Твоя паче живот, устне мои похвалити Тя. Тако благословлю Тя в животе моем, о Имени Твоем воздежѹ рүце мои. Яко от тўка и масти да исполнится душа моя, и устнама радости восхвалят Тя уста моя. Аще поминах Тя на постели моей, на утренних поучахся в Тя, яко был еси Помощник мой, и в крове крилѹ Твоею возрадуются. Прильпѣ душа моя по Тебе, мене же прият десница Твоя. Тѣи же всеу искаша душу мою, внидут в преисподняя земли. Предадѣтся в руки оружия, части лїсовом будут. Царь же возвеселится о Бозе, похвалится всяк кленѣйся Им, яко заградишася уста глаголющих неправедная.

На утренних поучахся в Тя, яко был еси Помощник мой, и в крове крилу Твоею возрадуются. Прильпе душа моя по Тебе, мене же прият десница Твоя.

Слава Отцу и Сыну и Святому Духу, и ныне и присно и во веки веков. Аминь.

Аллилуиа, аллилуиа, аллилуиа, слава Тебе, Боже. (Трижды)

Господи, помилуй. (Трижды) Слава и ныне.

#### Псалом 87

Господи Боже спасения моего, во дни воззвах, и в нощи пред Тобою. Да вниидет пред Тя молитва моя, приклони ухо Твое к молению моему. Яко исполнися зол душа моя, и

живот мой аду приближися. Привменён бых с низходящими в ров, бых яко человек без помощи, в мертвых свободу. Яко язвеннии спящии во гробе, ихже не помянул еси кому, и тии от руки Твоея отриновёни быша. Положиша мя в рове преисподнем, в тёмных и сени смертной. На мне утвердися ярость Твоя, и вся волны Твоя навел еси на мя. Удалил еси знаемых моих от мене: положиша мя мерзость себе; предай бых и не исхождах. Очи мои изнемогосте от нищеты; воззвах к Тебе, Господи, весь день, вздох к Тебе рúце мои. Еда мертвыми твориши чудеса? Или врачеве воскресят, и исповёдаются Тебе? Еда повесть кто во гробе милость Твою, и истину Твою в погибели? Еда познана будут во тьме чудеса Твоя, и правда Твоя в землі забвенней? И аз к Тебе, Господи, воззвах, и утро молитва моя предварит Тя. Вскую, Господи, отрёеши душу мою, отвращаеши лице Твое от мене? Нищ есмь аз, и в трудёх от юности моея, вознес же ся, смирихся и изнемогах. На мне преидоша гневи Твои, устрашения Твоя возмутíша мя. Обыдоша мя яко вода, весь день одержаша мя вкупе. Удалил еси от мене друга и искренняго, и знаемых моих от страстей.

Господи Боже спасения моего, во дни воззвах, и в нощи пред Тобою. Да внидет пред Тя молитва моя, приклони ухо Твое к молению моему.

#### Псалом 102

Благослови, душе моя, Господа, и вся внутренняя моя, Имя святое Его. Благослови, душе моя, Господа и не забывай всех воздаяний Его; очищающего вся беззакония твоя, исцеляющего вся недуги твоя, избавляющего от истления живот твой, венчающего тя милостию и щедротами, исполняющего во благих желание твое: обновится яко брля юность твоя. Творяй милостыни Господь, и судьбу всем обидимым. Сказа пути Своя Моисеови, сыновом израилевым хотения Своя. Щедр и милостив Господь, долготерпелив и многомилостив. Не до конца прогневается, ниже в век враждует. Не по беззакониям нашим сотворил есть нам, ниже по грехом нашим воздал есть нам. Яко по высоте небесней от земли, утвердил есть Господь милость Свою на боящихся его. Елико отстоят востóцы от запад, удалил есть от нас беззакония наша. Яко же щедрит отец сыны, ущебри Господь боящихся Его. Яко Той позна создание наше, помяну, яко персть есмь. Человек, яко трава, дние его, яко цвет сёльный, тако оцветет; яко дух



пройде в нем, и не будет и не познает ктому места своего. Милость же Господня от века и до века на боящихся Его, и правда Его на сынех сынов, хранящих завет Его, и помнящих заповеди Его, творити я. Господь на небеси уготова Престол Свой, и Царство Его всеми обладает. Благословите Господа вси ангели Его, сильнии крепостию, творящий слово Его, услышати глас словес Его. Благословите Господа вся силы Его, слуги Его, творящий волю Его. Благословите Господа вся дела Его. На всяком месте владычества Его, благослови, душе моя, Господа.

На всяком месте владычества Его, благослови, душе моя, Господа.

## Псалом 142

Господи, услыши молитву мою, внуши моление мое во истине Твоей, услыши мя в правде Твоей. И не вниди в суд с рабом Твоим, яко не оправдятся пред Тобою всяк живый. Яко погна враг душу мою, смирил есть в землю живот мой: посадил мя есть в темных, яко мертвые века. И уны во мне дух мой, во мне смятется сердце мое. Помянух дни древния, поучихся во всех делех Твоих, в творениях руку Твоею поучахся. Воздох к Тебе рuce мои: душа моя яко земля безводная Тебе. Скоро услыши мя, Господи, исчезе дух мой: не отврати лица Твоего от мене, и уподоблюся низходящим в ров. Слышану сотвори мне заутра милость Твою, яко на Тя уповах. Скажи мне, Господи, путь, вонже пойду, яко к Тебе взял душу мою. Изми мя от враг моих, Господи, к Тебе прибегах. Научи мя творити волю Твою, яко Ты еси Бог мой. Дух Твой Благий наставит мя на землю праву. Имене Твоего ради, Господи, живиши мя, правдою Твоею изведеши от печали душу мою; и милостию Твоею потребиши враги моя, и погубиши вся стужающия души моей, яко аз раб Твой есть.

Услыши мя, Господи, в правде Твоей, и не вниди в суд с рабом Твоим. Услыши мя, Господи, в правде Твоей, и не вниди в суд с рабом Твоим. Дух Твой Благий наставит мя на землю праву.

Слава, и ныне. Аллилуиа, аллилуиа, аллилуиа, слава Тебе, Боже. (Трижды)



## СЛОВАРЬ МАЛОПОНЯТНЫХ СЛОВ

и выражений церковнославянского языка,  
встречающихся в молитвослове

**Абие** — тотчас, сразу.

**Аз** — я.

**Акафист** — «неседальный», — молитва, за которой не сидят.

**Аллилуа** — «хвалите Бога».

**Аминь** — истинно; истинно так.

**Аще** — если, хотя, ли; **аще бо** — если; **аще убо** — если же.

**Бе** — он был, она была, оно было. **Бех** — я был, была. **Бехом** — мы были. **Бесте** — вы были. **Беша, беху** — они были.

**Безвестный** — неведомый, неизвестный.

**Безместный** — неприличный, непристойный.

**Безприкладный** — беспримерный, несравненный.

**Благоутробие** — милосердие, доброта сердца.

**Блаже** — благой, добрый (звательный падеж).

**Блажити** — славить, восхвалять.

**Бо** — ибо, потому что.

**Богородичен** — краткое молитвословие в честь Богородицы.

**Брань** — война.

**Буди** — будь.

**Бысть** — он был, она была, оно было. **Бых** — я был, была. **Быхом** — мы были. **Бысте** — вы были. **Беша** — они были.

**Бяше** — он был. **Бяху** — они были.

**Вем** — знаю. **Веси** — знаешь.

**Весь** — село.

**Ветия, вития** — красноречивый оратор, проповедник.

**Взыграти** — возвеселиться.

**Виссон** — дорогая одежда пурпурного цвета.

**В книзе животней** — в книге жизни.

**Владыце** — Владыке.

**Вкупе** — вместе.

**Внегда** — когда.

**Во еже** — чтобы.

**Вои** — воинства.

**В оньже** — в который. **В ньюже** — в которую. **В няже** — в которые.

**Воня** — запах, аромат.

**Вскую** — зачем, для чего.

**Вспять** — назад.

**В страсе** — в страхе.

**Всуе** — напрасно.

**Всяческая** — все, всех.

**Выну** — всегда.

Глас — 1) голос; 2) один из восьми напевов церковных песнопений.  
Гобзование — изобилие, многоплодие.  
Горее — превыше; хуже.  
Господеву — Господу.

Да бых аз отседе престал — чтобы я наконец прекратил.  
Даси — дашь.  
Десный — правый; десница — правая рука.  
Детель — дело, деятельность.  
Днесь — сегодня.  
Доброта — добрые качества, красота.  
Довлеет — достаточно. Да довлеет — пусть будет достаточно.  
Доле — внизу, в преисподней.  
Должником — должникам.  
Дондеже — до тех пор, пока.  
Древле — некогда, когда-то.  
Душе — дух (звательный падеж).  
Дщерь — дочь.

Е — его.  
Егда — когда; в то время как.  
Егоже — которого.  
Еда — неужели; разве.  
Еда како — чтобы не.  
Еже — которое; чтобы. Иногда не переводится на русский язык.  
Еси — ты есть. Есмь — я есть.

Живот — жизнь.  
Живый — живущий.  
Жрети, пожрати — приносить жертву.

Законоположити — указывать путь закона.  
Зане, занеже — ибо, так как, потому что.  
Зря — видя.

И — его.  
Идеже — там, где.  
Иже — который, которые, что, тот, те. Иногда не переводится на русский язык.  
Известовати — утверждать, удостоверить.  
Известно — наверно, твердо.  
Изрядно — особенно.  
Икос — см. кондак.  
Имже — тем, те; который, которым.  
Имя рек — «назови имя».  
Ин — другой.  
Иногда — некогда, когда-то.  
Ирмос — начальная песнь каждой песни канона. Обычно содержит ветхозаветные прообразы.  
Исперва — из древности.  
Исповедание — открытое признание.

**Иссоп** — трава, из которой делаются кропила.

**Ихже** — которых.

**Камо** — куда.

**Канон** — песнопение в честь праздника или святого. Обычно состоит из девяти песен (точнее — из восьми, т. к. вторая песнь опускается — она бывает в великопостных канонах), содержащих ирмос и составленные по образу ирмоса тропари.

**Кийждо, каяждо, коеждо** — каждый, -ая, -ое.

**Коегождо** — каждого.

**Кондак** — краткое песнопение, излагающее смысл праздника или содержащее похвалу святому; более пространное песнопение такого же типа называется икосом.

**Косно** — медленно.

**Кроме** — вне.

**Кромешный** — внешний.

**Купина** — куст, кустарник.

**Лепота** — красота, великолепие.

**Лепта** — мелкая медная монета. **Две лепте** — две лепты.

**Лесть** — обман.

**Лишше** — больше, сверх того.

**Лож** — ложный.

**Лукавое** — злое.

**Мамона** — богатство.

**Мене** — меня. **Ми** — мне. **Моя** — моей. **Моя** — мои. **Мя** — меня.

**Мертвые века** — давно умершие.

**Многочастие** — много раз.

**Мшелоимство** — корыстолюбие.

**Назирати** — наблюдать.

**Наипаче** — особенно же.

**Наказание** — научение, вразумление. **Наказуя** — поучая.

**Напрасно** — внезапно.

**Нашея** — нашей.

**Неделя** — воскресный день, когда «не делают» обычных работ, но исполнение четвертой заповеди.

**Не ктому** — более не.

**Ниже** — и не, также не.

**Неколиже** — никогда.

**Ниц** — вниз, лицом на землю.

**Ничтоже** — ничего, ничто. **Ничтоже велие** — ничего особенного. **Ничтоже дивно** — ничего удивительного.

**Ны** — нас.

**Ныне** — теперь.

**Обаче** — однако, не.

**Одесную** — справа.

**Одр** — постель.

**Окаянный** — бедный, злосчастный, несчастный, мучительный.



- Окормляти — управлять.  
Оле — восклицание, выражающее удивление или скорбь.  
Отчаянный — потерявший всякую надежду.  
Очима — (двумя) глазами.  
Ощую — слава.  
Паки — еще, снова, опять.  
Паче — более, выше, превыше, лучше.  
Перси — грудь.  
Пленицы — сети.  
Плещи — плечи.  
Погибох — погиб.  
Подаси — подаешь.  
Пожру — принесу жертву.  
Помози — помоги.  
Поне — хотя, по крайней мере.  
Понос — поношение.  
Прадедний — прародительский.  
Предварити — предупредить, стать или сделать раньше.  
Предстояй — предстоящий.  
Презирати — не смотреть, не придавать значения, не замечать.  
Прелесть — обольщение.  
Преложения осенение — тень, легкое подобие непостоянства.  
Пременение — перемена, изменчивость.  
Призирати — обращать внимание, благосклонно смотреть.  
Присно — всегда.  
Пробавити — продолжить, продлить.  
Просвещай — просвещающий.  
Простый — прямой, правый.

- Равнодушный — единодушный.  
Разве — кроме.  
Разрешати — развязывать.  
Ревнование — зависть.  
Рекл еси — (ты) сказал. Рех — (я) сказал.  
Рог — символ крепости и славы.  
Рукама — (двумя) руками.  
Руце — руки.

- Свадих — ссорился.  
Се — вот; это.  
Се бо — ибо вот.  
Село — поле. Сельный — полевой.  
Сене — сень (звательный падеж).  
Сея — этой.  
Символ веры — краткое изложение основ веры.  
Сиде — так.  
Сретение — встреча.  
Стезя — тропа, узкая дорога для путников.  
Странна — непричастна.  
Странно — таинственно, необъяснимо.



Странный — странствующий.  
Страсть — страдание; страсть.  
Студный — постыдный.  
Сый — сущий.

Таяжде — то же самое.  
Твоея — твоей. Тебе — тебя. Ти — тебе.  
Теку — бегу.  
Тем (темже) — поэтому.  
Тля (тление, истление) — порча, разрушение; первородный грех.  
Токмо — только, лишь только.  
Точию — только.  
Тошно — усердно.  
Тоя — той.  
Тропарь — краткая похвальная песнь в честь праздника или святого.  
Туне — даром, напрасно.  
Тщи — ни с чем.  
Тыя — те.

Ублажати — прославлять.  
Убо — итак, следовательно.  
Углебати — погрязать, тонуть.  
Удесы — члены тела.  
Уне — лучше.  
Усрести — встретить.  
Устави стремление — останови поток.  
Ушедрити — милосердовать.

Хананея — хананеянка.  
Худой — плохой, злой.

Цареви — царю.

Чаю — ожидаю..  
Честный — достойный, драгоценный, дорогой.  
Четыредесятица — сорокадневный пост перед Пасхой (Великий пост).

Ю — ее.  
Юже — которую.  
Я — их.  
Яже — которая, которые, которых.  
Язык — народ.  
Яко — как; также, как; так как; что.  
Яко аще — ибо если.  
Яко да — чтобы, дабы.  
Яковий — каковой.  
Якоже — как; чтобы.  
Ям — ем.





